

MULAEDZA WA TSHILIDZI

 Ndi a liyhuwa, Mukomana Neville. Murena vha ni fhaṭutshedze. Matsheloni a vhudi, dzikhonani. Ndi tshikhala tsha vhudi u vha fhano hafhu ano matsheloni kha tshumelo ya Murena. Huno ri humbela pfarelo nga maanda nga u sa vha na lufhera na luthihi lwa u vheya vhathu kha tshivhidzo tshiṭuku. A tshi fari vhanzhi. Fhedzi ro takala nga maanda ngauri na vha fhano nahone ni tshi ralo u funa u dikumedza, u—u kondelela ni tshi lindela kha riṇe. Huno ri do ita zweṭhe zwine ra kona u ni netshedza Ipfi la Murena u ya nga hune ra kona u Li ḥnetshedza. Huno zwino ndi khou tou...

² Hoyu mufumakadzi muṭuku u kha di tou bva u dzhena ngomu, nahone u na lushie lwa u kumedza ano matsheloni, huno a vhona uri ho vha na u lenganyana, huno a ri u do lindela. A thi athu u vhona musadzi uyu, fhedzi ndi rabela uri Mudzimu a mu fhaṭutshedze nahone a mu neye phaṭutshedzo Dzawe khulu mbiluni yawe, nga u kondelela hawe kha u lindela.

³ Zwino, hu khou swika tshifhinga kha nwaha tshine ha do rothola nahone a hu nga fhisesi musi ro khokhana ngomu tshivhidzoni. Huno ri khou fulufhela uri Mudzimu u do ni fhaṭutshedza nga maanda noṭhe.

⁴ Zwino ndi khou takalela u amba zwithu zwiṭuku phanda ha musi ndi tshi amba. Ndo sumbedzisa uri ndi khou ya u amba ano matsheloni, arali Murena vha tshi funa, nga theroy a *Mimuya Kha Tshidumbumukwe*. Fhedzi A ntshandukisela zwone. A tho ngo ḫivha zwe nda vha ndi tshi khou ya u amba u swika miniti i si gathi phanda ha musi ndi tshi da kha muṭangano. Huno ndo lingedza lwa vhuvhili zwino kha iyo theroy, nahone nda kundelwa u wana phindulo u bva kha Mudzimu. A thi ḫivhi uri ndi nga mini. Ndi dzulela u takalela, sa zwine vhoiñwi vhashumeli noṭhe hafha na zwi ḫivha, uri ni tea u lindela kha Murena kha zwine na khou ya u amba.

⁵ Madekwana o fhelaho kha muduba wo khetheyaho, ndo ḫanganedza yone—yone ḫingo yo swika u bva fhasi ngei Arkansas, vhaṇwe vhathu vho vha vha tshi khou ḫoda u pfulutshela n̄tha hafha kha iyi vhege i no khou da, vha ri vho pfa uri ri khou ya u thoma muṭangano nga *Mapfundo A Sumbe*. Ndi kha di bva u fhedza *Zwikhathi Zwa Sumbe Zwa Tshivhidzo*, kha vhatṣinda. Huno munna wawe u khou da nga Musumbuluwo uri a mu wanele mushumo hafha Louisville, uri a kone u shuma vha tshi khou dzula tsini hu u itela u pfa ayo *Mapfundo A Sumbe*. Nda ri, “Hezwo zwi do dzhia miñwedzi u yela kha miraru, mufumakadzi. A ri na fhetu hafha ha u kunguwedza

muṭangano, na zwiñwe zwinzhi, a hu na na tshithihi tsha u zwi londota hafha ḥoroboni, a hu na tshithihi tsha u dzula vhathu.”

⁶ Ndi nga takalela uri tshiniwe tshifhinga, khanwe, arali Mudzimu a tshi funa, u vha na izwo kha tshumelo huñwe fhethu, nda ita muṭangano wa u yela kha miñwedzi miraru nahone nda thoma kha ayo mapfundo sa zwenezwo, nn̄da kha tshumelo. Zwenezwo vhathu vha kona u nga dzula zwavho khazwo.

⁷ Ngomu Hafha, zwi tshimbila u bva kha ndima ya vhu 6 ya Nzumbululo, u swika kha ya 19. Ngauralo ni wana mapfundo a sumbe, maṭhupho a sumbe, khombo tharu, musadzi o dzula kha ḥivhanda la muvhala mutswuku, na vha zwigidi zwa dana na fuina-iña. Oo, hu na zwinzhi zwao zwine zwa itea u tuma hezwo phanḍa ha musi Pfundo la Vhusumbe li tshi netshedzwa, maṭungu a vhusumbe o shelwa, phalaphala ya vhusumbe yo lila. Huno hu na zwinzhi zwa hezwo zwithu zwine zwa tumanā zweṭhe, nahone tshiniwe na tshiniwe tshazwo ndi ngudo ya ḥuvha khulu nga tshone tshiñe.

⁸ Zwino kha ri kotamise ḥoho dzashu lwa tshikhalyanya u itela ipfi la thabelo. Phanḍa ha musi ri tshi rabela, arali hu na vhañwe ngomu hafha vhane vha tama u elelwa kha heyi thabelo, huno zwi iteni uri zwi ḥivhaye nga u imisa zwanda zwaṇu. Huno mibiluni yaṇu, elekanyani kha Mudzimu zwine na vha na ḥodeya yazwo zwino. Huno ndi rabela uri A ni ḥeye zwone.

⁹ Ramaanda na Mudzimu wa Tshilidzi, Ane a vha Mudzimu a fhindulaho thabelo, Khotsi vhane vha ḥivha zweṭhe zwine vhana Vhawe vha ḥoda. Wo ri ḥivha phanḍa ha musi ri tshi bebiwa, nahone Wo vhala vhukando ha ḥayo dzashu, na one mavhudzi a ḥoho dzashu o vhaliwa, nahone maipfi ashu a kaliwa kha tshikalo Tshau. Ngauralo, Murena Mudzimu, ri tendele ano matsheloni ri dzhiele nzhele ya hezwi zwithu, uhu u ḥivhudza ha ngoho hune ra vha na ho phanḍa Hau.

¹⁰ Vhunzhi ha izwo zwanda zwo imiselwa n̄tha ano matsheloni, fhano kha iyi khuvhangano ḥukhu, khañwe ndi zwa thabelo ya mivhili yavho i lwalaho, mufuñwa o xelaho. Iwe u ḥivha mibilu dzavho na zweṭhe zwi re ngomu havho. Ngauri, musi U tshi ima fhano kha lifhasi, kha tshivhumbeo tsha muthu a vhidzwaho Yesu, Murena washu, Iwe wo ḥivha zwiphiri zwa mibilu. Zweṭhe zwine vhathu vha elekanya kha mihumbulo yavho, Wo vha u tshi vha vhudza zwe vha vha tshi khou elekanya, “Ndi ngani ni tshi naña izwi zwithu mibiluni yaṇu?” Yesu o ḥalukanya ngelekanyo dzavho. Huno ri vhala kha Luñwalo uri Iwe a u shanduki mulovha, ḥamus, na lini na lini. Huno zwo ḥwaliwa hafhu uri, “Hoṭhe hune vhavhili kana vhararu vha kuvhangana, Ndi do vha heneffo vhukati havho.” Ngauralo u fhano ano matsheloni, nga tshivhumbeo tsha Muya Mukhethwa, nahone u ḥivha lutamo luñwe na luñwe lu re mibiluni dza vhathu.

¹¹ Ndi a U rabela, Mudzimu Khotsi, uri U vha fhindule murahu nahone u ri, "Zwo khunyelela. Khumbelo yanu yo fhindulwa, nahone Ndi—Ndi khou ni rumela fulufhelo lino duvha la uri zwe the zwe na humbelo zwo netshedzwa."

¹² Mudzimu, ri elelwa nga maanda avho vha so ngo tshidzwaho, vho imisa tshanda tshavho. Ngavhe ino i tshi vha awara ine vha do tanganedza Kristo sa Mutshidzi wavho.

¹³ Phanda ha musi mu tangano u tshi fhela namusi, ngavhe hu tshi itea tshiwe tshithu, Murena, tshine tsha do disa Vhuhone Hau tsini ha vhatu lune vha do kona u divha uri ula Yesu muthihi we a tshimbila kha zwi tara za zwa Galileya vhukati ha vhatu Vhawe, vha tuwe fhano namusi na fulufhelo li fanaho le avho vhane vha bva Emaus tshiila tshifhinga vho vha vha nalo. Musi vha kha ndila yavho ya u humela murahu, nga murahu ha musi vho tshimbila Nae duvha lothe, vha tshi amba Nae, huno Nae a tshi amba navho, huno fhedzi vho vha vha na ndivho thukhu ya uri ndi Ene.

¹⁴ O Mudzimu, zwifhinga zwinzhi ri vha ro ralo. U amba na ri ne nga u kovhela ha duvha, nga u imba ha zwinoni, nga u fhefhedha ha matari, nga u fhufhuma ha maluvha, kha nyimbo dza tshivhidzo, nahone ri zwi limuwa zwi tukuuri ndi Iwe. Kha phera dza vhalwadze ngei sibadela, na hu ne fhethu hunzhi, U ya amba na ri ne nahone ri zwi limuwa zwi tukuuri ndi Iwe.

¹⁵ Zwino, Murena, musi ri tshi humela mahayani ashu ano matsheloni, ngavhe ri tshi ralo, sa zwe vha ita, u limuwa, ngavhe U tshi ita tshiwe tshithu namusi vhukati hashu sa zwe Wa ita murahu ngei. Vho vha vha tshi divha zwithu zwe Wa ita henehfo phanda havho. Wo zwi ita phanda ha u vhambiwa Hau, huno vha zwi divha uri uyo ndi Murena o vuwaho. Vha humela murahu kha zwigwada zwavho, vha tshi pembela na u renda Mudzimu, ngauri vho zwi divha uri U a tshila. Huno vha ri, "Naa mbilu dzashu a dzi ngo duga musi A tshi amba na ri ne badani?" Murena, u vhonala Hau afho na u ita zwithu zwi fanaho na zwe Wa ita phanda ha u vhambiwa Hau, zwi sumbedza mvuwo Yau, uri U Yesu onoula muthihi, we a vha ita uri vha elelwe nyambedzano yo the na Iwe. Wo amba na ri ne vhege yo the, Murena. Zwino vhonala vhukati hashu nahone u di Divhise kha mbilu inwe na inwe i na thodea. Ngauri ri zwi humbelo nga Dzina la Yesu, na u itela Ene. Amen.

¹⁶ [Khaldzi u thoma u amba nga dzi ne ndimi. A hu na tshithu kha theiphi. Murathu u netshedza thalutshedzo—Mudz.]

¹⁷ Zwino tshivhidzo tshi do rabela. [Mukomana Branham na tshivhudzo vha rabela vho the—Mudz.]: Khotsi ashu Ane a vha Ta dulu, kha hu rendwe Dzina Lavho. Muvhupo Wau u de. Lufuno Lwau lu itwe kha lifhasi, sa vhunga lu tshi itwa ngei Ta dulu. Ri neye kha lino duvha vhurotho hashu ha nga misi. Huno u ri hangwele vhutshinyi hashu, sa vhunga ri tshi hangwela

vho ri khakhelaho. Huno u si ri ise milingoni, fhedzi ri phuluse vhuvhini. Ngauri Tshau ndi Muvhuso, na maanda, na vhugala, u ya nga hu sa fheli. Amen.

¹⁸ Ndi uri arali tsha u nwala tshanga tshi tshi nga vha tshishumiswa tsha muvhadi huno bammbiri langa lo vha li tshi do tsukala, huno ano Maipfi ane nda a amba zwino, o vha a tshi do nwala kha hezwi uri A kone u ya kha vhathe vhothe.

¹⁹ Muya Mukhethwa wa Mudzimu u na ndila di so ngo doweleyaho dza u shuma na vhathe Vhawe. Zwifhinga zwinzhi nga vhutolo na nga mpho na dzimbidzo, zwine zwi da hu si na u rembuluwa, zwine Mudzimu a vha neya kha vhathe Vhawe nga tshilidzi Tshawe.

²⁰ Zwino ndi hayani, zwi tou ngamadalo matukunyana. Ndi dzulela u dzhia hetshi tshifhinga hayani, kha tshikhathi tsho raliho tsha nwaha, ngauri ndi takalela u dzika musi ndi tshi ya u zwima zwisindi. Huno ndo vha ndi fhasi ngei Kentucky na khonani dzanga ino vhege, ndi tshi khou zwima zwisindi, fhethu hanga hune nda hu takalela. Ndo nyamiswa nga zwinwevho, hu si ngauri ndo kundelwa nga u wana zwisindi, fhedzi ndo sokou pfa ndi khou nyama. Tshiñwe tshithu tsho vha tshi tshi khou mmbudza uri ndi tea u humela hayani. Huno nda edela kha modoro musi ndi tshi khou vhuya murahu.

²¹ Nwaha wo fhelaho, vhunga vhoinwi nothe ni tshi zwi divha, zwine two gandiswa zwa dovha zwa kha vhutanzi na kha dzitheiphi. Ndo vha ndo dzula fhethu hafha Indiana hune Murena Mudzimu o tsela fhasi nahone a amba na nne, uri, vhushumeli hanga ha vhuvhili, huno ho vha ho lugela u itea kha tshifhinga tsha tsini. Huno vhusindi vhuraru ha ambiwa ha vha hone. Vhoinwi nothe itsho tshiñori ni a tshi divha, ndi na vhutanzi. Zwo diralo, ndi tshi khou gonya nthha nga ndila nda... musi ndi tshi tendela vhatukana vhothe vha tuwa, ndi tshi khou ya u zwima, ndo–ndo vha na zwipfi zwi so ngo doweleyaho zwa u ya hafha fhethu hafhu. Zwo itea phanda ha musi li tshi vha masiari, i tshi khou na, huno a tho ngo vhuya nda divha arali vha tshi do ya u zwima kana hai, fhedzi uri ndi do swika luvhandeni heneffho. U zwima zwi amba “u vha u wothe, u rabela.” Huno nda imisa modoro nahone nda tsa huno nda tshimbila seli ha ndila huno nda dzhena dakani, huno phanda ha musi li tshi vha masiari, ho vha hu tshi nga ho tshena, mapfuvhi.

²² Ndo ima nahone nda netshedza ipfi lituku la thabelo, sa nga misi, huno ndi tshi khou vhudza Khotsi, u ri, “Zwine nda khou toda, uri a zwi bveledze.” A thi tendi kha u lozwa tshithu, kana u tshinyadza; a thi athu u thuntsha tshiqoni vhutshiloni hanga sa ngudo ya u kala, kana tshiñwe tshithu-vho. Zwine nda zwima, ndi a la, kana nda neya munwe muthu ane a tshi la. A thi tendi kha u tambisa tshithu. A thi tenda kha u ita izwo zwithu, ngauri two khakheya.

²³ Zwenezwo nda rembuluwa nda thoma u tshimbila kha ndila tsekene ine ya nga ndi a i ḥalukanya thungo ha pfulo yo vhumbaho tshivhumbeo tsha L heneffo madakani, huno tshiñwe tshithu tshi so ngo doweleyaho tsha itea. Tshenzhemo dzanga dzothe, a thi athu u vha na zwithu zwi fanaho na hezwo. Nda lavhelesa thodzini ya tshikwara kha tshamonde tshanga u bva he nda vha ndo ima hone, huno heneffo, ha bvelela vhunga thodzini ya tshikwara, ha bvelela misengavhadzimu miraru. Huno yo vha yo lapfu u yela kha maga a furaru nga u ya n̄tha. Tsha u thoma, nda lavhelesa nahone nda vhona Tshedza huno nda humela murahu, ngauri ndo elekanya uri hu nga vha hu u ḥavha ha ḫuvha. Ndi tshi elekanya hafhu, zwo vha zwi so ngo livhana na ḫuvha, ho vha hu thungo ya tshipembe. Huno tshiñwe tshithu, o vha o tshena, hu makole, mvula, i tshi khou na hothe. Izwo zwo itea nga Thangule nga la vhu fumbili-ṭhanu, matsheloni a Lavhuṭanu lo fhiraho, huno ni a zwi ḫivha uri yo vha i tshi khou na hani. Huno makole o tshena hothe.

²⁴ Huno nda dovha nda lavhelesa. Huno zwa vha zwo ralo, i tshi engedzea u lapfa na u lapfa, misengavhadzimu miraru. Nda bvula muñadzi wanga. Nda vheya tshigidi tshanga phasi. Ndo thoma u tshimbila ndo i livha nahone zwanda zwanga zwo imiselwa n̄tha. Ho vha hu tshi nga tshiñwe tshithu tshi khou mmbudza u ri, "Wo sendela tsini lwo edanaho." Ndo vha ndi tshi khou ya u dzula phasi nahone nda bvula mabutsu anga e nda vha ndo ambara, uri ndi vhone arali ndi tshi nga sendela tsininyana. Fhedzi nda sendela nga tshipida tshi si gathi huno nda vhona muvhala wayo, zwi tshi tshena sa khuli i tshi mona. Nda ima lwa tshikhalañana. Zwo vha zwi tshi khou bva ḫodzini ya thavha ḫukhu. Huno nda lavhelesa, musi miraru (muñwe u kha tshaula, muñwe u kha tshamonde, huno muñwe u vhukati) i tshi ita pułumbu ḫithihi. Zwenezwo zwe ya ita, zwo vha zwi tshi khou tshila, Yo vha i tshi khou tshimbila nahone I tshi khou ita nyito. Huno nda ima heneffo musi i tshi khou tshena, nga mapfuvhi.

²⁵ Nda rembuluwa nahone nda lavhelesa hafhu, huno nda tzhemelela, "O Mudzimu, U khou ḫoda mulanda Wau a tshi ḫivha mini?"

²⁶ Hu tshi kha di vha zwenezwo Muya wa Murena wa dzhena ngomu nahone wa ri, "Yesu wa Thestamente Ntswa ndi Yehova wa ya Kale, U shandukisa mbonalo Yawe fhedzi u bva kha Muya u ya kha Muthu." Hezwo zwo vha zwi tshi khou khwaṭhisidza, zwo tou ralo, Mulaedza wanga nga Hae. A tshi khou nn̄dīvhisa, a tshi khwaṭhisidza uri heyi miñwaha ya furaru-nthihi a yo ngo vha ya liphedzi.

²⁷ Musi ndi tshi thoma u sendela, Ya thoma u ḫuwa, huno ya dzhena kha heli pulumbu sa nyambedzano, huno zwenezwo ya ngalangala. Nda sendela tsini. Ndo vha ndi tshi khou ofha u sendela tsini nga maanda, ngauri O nnyimisa phanda ha musi ndi tshi swika afho.

²⁸ Nda rembuluwa nda vhona uri tshila Tshedza, nga ndila ye Tsha vha tshi tshi khou mpenyela ngayo, zwo vha zwo vhambelana kokotolo na muri he nda dzula nwaha wo fhiraho, he vhusindi ha bvelela. Ho no fhela minwe miniti ya furaruthanu kana ya fuina, nda tshimbila madakani na fhasi ha tshidambwana na zwiñwe, u swika ndi tshi swika kha hoyu muri wo fhandekanaho nga masia maña (vhubvađuvha, devhula, vhukovhela, na tshipembe), thavhi nna dza muri, dzi tshi ela. Huno nda gonya n̄tha ha iyo thavhi, nahone nda dzula fhasi he nda vha ndi hone musi A tshi mmbudza nga ulwo Luñwalo, “Arali na amba na iyi thavha u ri, ‘Sudzuluwa.’” Huno nda ima heneffho zwiñku, ndi sa athu u elekanya nga musengavhadzimu, zwo vha zwo pfuluwa muhumbuloni wanga. Nda ima heneffho. Huno uno wo vha nwaha u si wa vhudi nga maanda wa u zwima zwisindi, zweþhe zwo lenga, a hu na zwisindi.

²⁹ Nda elekanya, “Heneffha ndi hone he Mudzimu a nñeya uvho vhusindi nwaha wo fhelaho, uri ndi vhu ambe vhu vhe hone.” Nda bvula muñadzi wanga hafhu, huno nda ri, “Murena Mudzimu, U kha di vha Yesu muthihi. U kha di vha Mudzimu.”

³⁰ Huno Tshiñwe tshithu tsha ri kha nñe, “Zwino u khou tøda vhungana?”

³¹ Nda ri, “Sa zwe nda tøda tshila tshifhinga, tshivhalo tshoralo.” Huno zwenezwo nda ri, “Ndi ðo vha na ho ralihlo phanda ha iri ya vhufumi n̄tha ha tshithoma ñamusi.” Huno zwi so ngo doweleya zwo ralo, zwenezwo ndo vha ndi fhethu hu si ha vhudi hu na vhunyunu, hune ho dala vhunyunu vhu vhaisaho, huno hu tshi nga ndi fhethu ha matzhava, huno lunyunu luhulu lwa ða u nnsuma tsini na liþo, huno nda ri, “Na luthihi lwaho a lu nga vhuyi lwa nthithisa kha lino ðuvha,” ndi si na tshithu tsha u vhu pandela kana tshiñwe tshithu-vho. Huno, phanda ha musi ndi tshi zwi ðivha, nda ri, “Ðuvha li ðo þavha miniti ya furaru.”

³² Huno hu si na u fhirisa zwe nda amba u swika, murahu hanga, tshisindi tshi fanaho na tshila tsha nwaha wo fhelaho, tshiñku, tshitswuku, tsha thamutshela kha tavhi u yela kha tshipida tsha fusumbe huno tsha thoma u lila. Nda rembuluwa. Kha itsho tshikhala tshilapfu, zwo vha zwi tshi nkondela, kha tshivhoni tsha maanda, u vhona maþo alwo. Nda sokou thuntsha, zwenezwo fhedzi, a tho ngo vhuya nda vha na ndivho, kha itsho tshisindi. Huno gulu ya tou rwa liþo he ya ralo tshiñwe tshifhinga.

³³ Fhasi na madaka nda tuwa. Huno kokotolo nga miniti miraru ya iri ya vhufumi n̄tha ha tshithoma, nda thuntsha tshisindi tshanga tsha vhurarú, sa zwe zwa ralo nwaha wo fhelaho, zwi tshi tou fana kokotolo. Nga miniti miraru i tshi kha di ya kha iri ya vhufumi. Mudzimu, ane a vha Muhañuli wanga wa ngoho, na lunyunu na luthihi zwalwo a lwo ndo vhuya lwa lila ðuvha loþhe, heneffho hune ha tou vha na guþe laho, ndi a kholwa, arali

ha nga kaliwa. Huno a tho ngo vhuya nda vhona kana u pfa na luthihi. Ndo vha ndi tshi khou vhu thetshelesa, u vhona arali ndi tshi nga ralo. Huno nda pfa u ḥnuṇuna, nda elekanya, “Hu na luṇwe huṇwe fhethu,” huno nda thetshelesa huno ho vha hu ḥiraka, kule ngei badani khulwane. Huno nga miniti ya furaru kokotolo u bva kha itsho tshifhinga, ḫuvha li penya zwa vhudi nahone li tshi penya.

³⁴ Zwenezwo nda vhuya murahu afha fhethu. Huno ndo vha ndi tshi khou elekanya, musi ndi tshi ri “tshikalo tsho edanaho,” hezwo zwi amba *zwisindi zwitānu*, zwine zwa vha zwa tshikalo tshone afha Indiana. Fhedzi nda elelwa ḥwaha wo fhelaho, musi A tshi mmbudzisa uri two ndzhiela zwingana uri ndi bumphe, nda ri, “zwiraru,” huno nda wana zwiraru. Ngauralo mulovha ndo humela murahu, ndo vha ndi tshi khou ya fhethu huthihi hafhu, huno Tshihwe tshithu tsha ri, “U so ngo ya. Pfuka bada.”

³⁵ Huno nga iri ya vhufumini n̄tha ha tshithoma kokotolo, kha tshithoma, iri ya vhufumi n̄tha ha tshithoma kha watshi yanga, nda kala tshivhalo tsho edanaho tsha Indiana, tshisindi tsha vhuṭānu. Ndi khou ḥoda ni tshi dzhiela nzhele uri ho vha hu na misengavhadzimu miraru, nahone ho vha na zwithu zwiraru two ambiwaho, zwisindi zwiraru zwe zwa wanala. Ho vha na zwithu zwiraru: zwisindi zwiraru nga iri ya vhufumi n̄tha ha tshithoma, hu si na vhunyunu, ḫuvha li do penya nga miniti ya furaru. Huno ho vha hu na zwiraru zwa u ḥanziela izwo: Mukomana Banks Wood, murwa wanga Billy Paul, na murwa wawe David, uri vha zwi ḥanziele.

³⁶ Musi ndi tshi vhona iyo misengavhadzimu, yo ḥandavhuwa sa iļo buli afho, uyo ndi Muruṇwa wa Murena, fhedzi zwiraru zwe zwa vha zwi hone two vha Tshithihi. Oo, two thusa hami mbilu yanga, u ḫivha uri Mudzimu, Yesu a si muthu sa zwine vhathu vha elekanya uri U zwone, uri v tou vha muporofita fhedzi, sa zwine kuhumbulele kwa tshizwino namusi ku tshi elekanya uri Yesu v tou vha muporofita fhedzi, Ndi ene Yehova wa Thestamente ya Kale o itwa ḥama nahone a dzula vhukati hashu. Huno, heneffo, hezwo two nkhuthadza. Zwenezwo, ndi tshi khou elekanya nga iyo therò, ya uri Mudzimu o ḥoda vhathu vhanzhi.

³⁷ Zwino, hu na tshigwada tsha vhathu, vha ḫivhidza “Vhuthihi” kana “Yesu Fhedzi.” A thi tendelani navho kha iyo ndivho. Nahone a thi tendelani—tendelani na tshigwada tsha vhuraru tshire tsha ri hu na Vhumudzimu vhuraru hofhambanaho, vhukule ha vhuraru. Fhedzi ndi tenda uri zwiraru, Khotsi, Murwa, na Muya Mukhethwa, ndi Tshithihi, uri dzi tou vha ofisi tharū dza Mudzimu muthihi. O tshila kha u Vhukhotsi, kha Khavhu ya Mulilo; O tshila kha Vhumurwa, kha Yesu Kristo; nahone zwino U tshila kha Muya Mukhethwa, kha Tshivhidzo Tshawe. Murena Yesu muthihi we a itwa ḥama

nahone a dzula vhukati hashu, u na riña kha lino ḫuvha, vhukati hashu, kha tshivhumbeo tsha Muya Mukhethwa.

³⁸ Kha tshenzhemo dzothe! Musi ndi tshi rembuluwa huno nda Zwi vhona, nda thoma u elekanya uri Zwi nga vha zwi ḫuvha lo bvelela kha—kha makole huñwe fhethu, fhedzi ho vha hu phanda ha tshifhinga tsha ḫuvha. Zwenezwo musi ndi tshi rembulutshela murahu hafhu, huno nda zwi vhona uri ho vha hu si tshedza, ho vha hu misengavhadzimu. Huno musi ndi tshi lavhelesa nahone nda vhona izwo, nda omo u mona hothe.

³⁹ Muñwe muthu a ri kha nne, “A u ngo pfa unga u nga huwelela?” Hai, a tho ngo pfa sa a ne a nga huwelela. Hedzo tshenzhemo a dzi ni iti uri ni pfe unga ni nga huwelela, dzi tou ni ita uri ni pfe no ḫoka midzi, heneffho hune na ḫivha uri hu na tshinwe tshithu tshine tsha ni vhudza, zwipfi two fusheaho.

⁴⁰ Zwino, hezwo zwithu ndi ngoho. Ndi a zwi ḫivha uri ri na zwithu two ambiwaho, lune zwifhinga zwinzhi vhañwe vhatu vha ri, “Oo, a thi tendi kha zwithu two raloho.” Ndi nga si imele hezwo, a thi ḫivhi. Ndi nga tou imela zwine nda zwi ḫivha sa ngoho. Huno Mudzimu Ramaanda, We a ñwala ino Bivhili, nahone ndi mulanda Wawe, U ya ḫivha uri izwo ndi ngoho.

⁴¹ Humbulani ngazwo, uri ḫuvha line ra khou tshila khalo, phanda ha u vhuya ha Murena, Yesu o ri, “Hu do vha na zwiga kha lutombo na kha lifhasi, zwi vhonalo zwihulu, zwienda-tshikhali zwi fhufhaho, misili, zwifhinga zwa ndado, u hanganea ha dzitshaka, zwithu zwi ofhisaho kha lifhasi.” Huno ri khou tshila kha ilo ḫuvha, u vhona izwo zwithu.

⁴² Zwino, u itela Mulaedza ano matsheloni we nda u nanga, ndi khou ḫoda ni tshi vula kha Mañwalo, kha Sakaria. Ho vha hu yanga... Sakaria, yone—yone ndima ya vhu 4.

⁴³ Two vha zwi lutamo lwanga u ni vhudza hezwi zwithu. Zwifhinga zwinzhi zwithu zwi a itea zwine a thi vhuyi nda—a thi vhuyi nda amba ngazwo, a thi zwi ambi. Fhedzi hezwi two vha two kalulaho lune nda kundelwa u zwi dzumbela tshivhidzo. Zwi tea u ambiwa! Huno, phanda ha Mudzimu Ane nda ima phanda hawe, ndi ngoho. Ndi a zwi ḫivha uri hu na Mudzimu, nahone ndi a zwi ḫivha uri Yesu Kristo ndi Murwa wa Mudzimu, Immanuele, a tshi khou dzula vhukati ha vhatu Vhawe ñamusi kha tshivhumbeo tsha Muya Mukhethwa. Huno ndi a zwi ḫivha uri u Vhuya ha Murena hu khou sendela tsini, musi zwiga na vhuñolo zwi tshi khou bvelela.

⁴⁴ Ri khou bva u fhedza Zwikhathi zwa Tshivhidzo zwa Sumbe, nahone ndi tshi khou guda uri ri kha Tshikhathi tsha u fhedza tsha Tshivhidzo tsha Laodekia, musi tshivhidzo tshi tshi thoma u vha tsho fhambanaho, u rothola, u dinomineitha, u vhumba dzangano; madzangano a do tshi wedza, u a la. Fhedzi pfulufhedziso ya uri hu do vha na masalela o salaho. Hu do vha na Tshivhidzo tshine tsha do balangana hothe u mona, fhedzi

Mudzimu u do Tshi kuvhanganya nahone a Tshi takulela nthā a tshi isa Vhugalani; tshigwada tshiṭuku tsho khethefhadzwaho huñwe fhethu, tsho lindela Murena.

⁴⁵ Zwenezwo liñwe ḫuvha musi ndi tshi dzhena kha *Vhege Dza Fusumbe Dza Daniele*, ndo ima henefha kha phuluphithi, Tshiñwe tshithu tsha nndela, a thi athu u kona u bva ḫhatsho. U vhona awara ine ra khou tshila khayo! Ndi khou ḫoda u ya huñwe fhethu nahone nda ita tshiñwe tshithu-vho, uri ndi zwi bvise muhumbuloni wanga. Ndi na vhafuñwa vhanzhi vha so ngo tshidzwaho. Ndi tshi divha, uri ndi nga ita mini uri vha tshidziwe? Ndi tshifhio tshīne ndi nga ita? Ndo rera Mafhungo madifha. Mudzimu o ita zwiga zwihulu na vhuṭolo u fhirisa zwe A vhuya a ita u bva tshe shango ḫa vha hone, u bva maduvhani a Murena Yesu, ha A athu vhuya a zwi ita kha tshifhinga tshothe tsha ḫivhazwakale. Huno zwo tshimbila u mona na shango. Huno shango li khou di ḫaṇa u tshikafhala. Fhedzi-ha ndi khou tea u elelwa uri ri khou tshila kha tshikhathi tsha Tshivhidzo tsha Laodekia, hune vha do ḫaṇa u tshikafhala, sa vhunga Yo ri vha do ralo.

⁴⁶ Zwenezwo ndo nanga ano matsheloni, ngauri Mulaedza wo topolwa nga maanda, tshiñwe tshithu tshe nda tshi hangwa, ndi, u rera tshilidzi. Ndi khou ḫoda u amba nga zwenezwo ano matsheloni musi ndi tshi ralo u vhala ndima ya 4 ya Sakaria, tshipida tshayo.

Huno muruñwa a amba na nñe hafhu, nahone a nkarusa, sa muthu o karuswaho kha...khofhe,

Huno a ri kha nñe, U vhona mini? Huno nda ri, ndo lavhelesa, nahone nda vhona tshiṭomambone tsha musuku tshothe, tshi na mudzio nga nthā hatsho, na mbone dza sumbe henefho, mbone dza sumbe dzi na madenzhe a sumbe, ane a vha nga nthā henefho:

Mitwari mivhili yo vha i tsini natsho, muñwe u kha thungo ya tshauļa tsha mudzio, nahone muñwe u kha thungo ya tshamonde henefho.

Ngauralo nda fhindula nahone nda amba na muruñwa we a amba na nñe, ndi tshi ri, Ndi mini izwi, murena wanga?

Huno muruñwa we a amba na nñe a fhindula huno a ri kha nñe, Naa a u zwi ḫivhi uri izwi ndi mini? Huno nda ri, Hai, murena wanga.

Zwenezwo a fhindula nahone a amba na nñe, a tshi ri, Heli ndi ipfi ḫa MURENA kha Serubabele, ḫi ri, A si nga maanda, kana nga nungo, fhedzi nga muya wanga, MURENA wa mavhuthu u ralo.

⁴⁷ Ni a vhona? Mulaedza a u nga di nga mañwe maanda mahulu kana nungo, fhedzi nga Muya wa Mudzimu! Ndimana ya u fhedza, ndimana ya vhu 7.

U unyi, thavha khulu Wee? Phanda ha Serubabele u do vha mudavhi: nahone u do vheya tombo la tshiuludza nga u tzhemelela, u huwelela, Tshilidzi, tshilidzi khayo. Tshilidzi, tshilidzi khayo.

⁴⁸ Rothe ri a divha ulwo Luñwalo, vhane ra vhala Bivhili. Ri a zwi ñivha urí izwi zwe itea nga tshifhinga tsha ndugiselo ya u vhuyedzedza thembele. Huno Surubabele o vha a mukololo muhulu vhukati ha vhatħu, o vheya ho mutheo wa tshifha. Zwino, inwi, ndi khou ḥoda ni tshi vheya ngelekanyo dżanu dza tshimuya, khanzu dza nđodzo, ano matsheloni, musi ri tshi elekanya. Huno hoyu mukololo muhulu o divhudza u fhaṭulula nnđu ya Murena. Huno zwenezwo, musi a tshi ralo, o vheya tombo la mutheo.

⁴⁹ Huno musi ri tshi isa phanda na u vhala, ri wana uri Mudzimu o ri, "Serubabele o vheya mutheo nga zwanda zwawe, u do vheya na tombo la tshiuludza." Ndi khou ḥoda ni tshi džiela nzhele, Ho ngo vhuya a ri u do vheya "Tombo la khuda." U do vheya "tombo l tshiuludza."

⁵⁰ Huno ri a zwi ñivha uri Luñwalo lu ri Yesu ndi ene Khosi ya Tombo la khuda, nahone U dovha a vha Tombo la tshiuludza. Zwino arali ra nga elekanya lwa miniti i si gathi, uri, murumiwa wa tshivhidzo tsha vhusumbe o vha a wa u "vhuyedzedza Lutendo lwa vhana murahu kha vhokhotsi." Nga mañwe maipfi, u fhaṭulula Tshivhidzo hafhu fhasi ha Maanda a Muya. "Hu si nga nungo, hu si nga maanda, fhedzi nga Muya Wanga," Murena u ralo. Hu si nga dzangano, hu si nga dinomineisheni, fhedzi nga Muya Mukhethwa, Mudzimu u do bveledza Tshivhidzo nga ḫuvha la u fhedza.

⁵¹ Serubabele, mukololo wa Yoshua, o vha ene ane a tea u vheya tombo la tshiuludza. O vheya mutheo, o vhuyedzedza vhatħu murahu kha mutheo, nga u fanyisa.

⁵² Zwine, rothe ri a zwi ñivha uri hezwi zwiñomambone na zwiñwe zwi fanyisa vhothe Vhayuda na tshivhidzo. Vho vha vha "matavhi a muṭwari," Bivhili yo amba hafha. Huno tavhi la muṭwari, riñe ri tavhi la ḥakani le la tumetshedzwa kha mudzi wa muṭwari wo tumulwaho; Vhannda! Huno u bva kha haya matavhi mavhili ha bvelela mađenżze a ludongo, a tshi ya kha zwiñomambone zwa musuku zwa sumbe, uri a netshedze Tshedza kha Zwikħathi zwa Sumbe zwa Tshivhidzo.

⁵³ Zwino elelwani, kha pfunzo yashu ya idzi ngudo dzine ra khou bva u fhedza, hune ro dzhia phiramidi khulu nahone ra guda izwo lwa tshifhinga tshilapfunyana, zwa uri Inoko o vha o tea u fhaṭa. Huno tombo la tshiuludza a lo ngo vhuya la vheiw a kha phiramidi. Ndo no ya henefho. Muiti wayo a nga si vhuye a

imelwa u swika lino ḋuvha. A ri na mutshini une wa kona u fhaṭa phiramidi, a hu na maanda (nnḍani ha maanda a athomo) ane a kona u fhaṭa phiramidi, ngauri ndi ya vhutholi. Matombo ane a lemela dzithono na dzithono na dzithono, o ima n̄tha tshikhalani, o vhekanywa lune na ḥthodzi tsekene ya tshireza a i koni... Huno ho ngo džheniswa daka, o tou tumulwa lune a kona u ḫumana.

⁵⁴ Heyo ndi ndila ine Muvhili wa Yesu Kristo wa tea u vha ngayo, wo tumulwa nga Muya Mukhethwa, nga Tshishumiswa tshihulu tsha Mudzimu na Thulusi, uri ri ḫumanywe sa Muthu muthihi. A ro ngo khethekanywa. Ri tea u vha Muthu muthihi! Huno zwi ya u sumbedza uri a hu na mutshini une wa nga zwi ita nga iyo ndila. Zwi dzhia Mudzimu u ita izwo. A hu na tshivhumbwa tsha dzangano, a hu na vhuedelo, a hu na na tshithihi tsha hezwi zwithu tshine tshi nga zwi ita, naho vha na u divhudza hone. Vha nga si zwi ite, ngauri zwi dzhia Mudzimu u ita hezwi, Muya Mukhethwa.

⁵⁵ A thi elekanyi uri ndi na gwende la dolara tshikwamani tshanga. Fhedzi hu na... Ee, ndi a ralo, ndi na gwende la dolara. Mpfareleni. Nga murahu ha heli gwende la dolara ni do vhona pfundo la United States nga thungo ya tshamonde, lo lavhelesa kha inwi. U bva kha nne, li vha kha thungo ya tshamonde tshanga; kha inwi, ndi tshaula. Ndi goni. Huno henehfo hu dovha ha vha zwiphugathalu na zwiñwe. Fhedzi kha *heyi* thungo hafha, thungo ya tshaula, kha nne, ni vhona phiramidi. Huno ni dzhiele nzhele, n̄tha ha phiramidi ndi tombo la tshiuludza, nahone nga phasi henehfo hu pfi, “Pfundu Lihulu.” Na kha tshelede, ine ra khou tea u limuwa. A hu na a sa tendi ane a nga bvisa Vhukriste. Ledere linwe na linwe line na datuma, li datuma mabebo a Murena washu. Khalenda inwe na inwe, zwoṭhe zwi amba Ene. Na kha tshelede yashu, Tombo la tshiuludza, line la vha Kristo! Ndi nga mini vha so ngo vheya tombo la tshiuludza kha phiramidi? Ngauri Tombo la tshiuludza lo landulwa musi Li tshi da.

⁵⁶ Fhedzi zwino, u ya nga tshiporofito, hu do da Tombo la tshiuludza. Huno ndi khou ḥoda ni tshi dzhiela nzhele izwo, musi Tombo la tshiuludza li tshi do da, mukololo ane a khou ya u huwelela Mulaedza u do huwelela “Tshilidzi! Tshilidzi!” Ngauri ro tshidzwa nga tshilidzi, hezwo a si nga mishumo, ngauri muthu o vha a tshi do dikukumusa. Huno Mulaedza wa tshilidzi wo kandekanywa phasi ha milenzhe ya vhatu u swika u tshi vha zwi shonisaho. Vhañwe vhavho vha dzhena kha tsireledzo ya u ya nga Hu Sa Fhelis, vhañwe vha gidimela kha zwoṭhe. Fhedzi, Mulaedza wa vhukuma wa tshilidzi u dzula wo ralo, nahone ndi hone hune Sathane a lingedza u u bvisa Tshivhidzoni. Fhedzi ndi tshilidzi tsha Mudzimu tshine ro tshidzwa ngatsho.

⁵⁷ Ngauralo kha Vhuhulu ha Yesu Kristo, arali Murena Mudzimu a tshi nga da henehfo nahone a khwaṭhisēdza uri izwo ndi Ngoho, hu si hezwo fhedzi, fhedzi nga Ipfi Lawe

U khwathisedza uri ndi Ngoho, na nga zwiga na vhuṭolo U khwathisedza uri ndi Ngoho, zwenezwo, hafhu-ha, tshilidzi ndi Ngoho. Zwenezwo-ha munwe u sasalandza hani huno a ri tshilidzi tsho khakheya, u ri “ro tshidzwa nga mishumo”? Ro tshidzwa nga tshilidzi, ndi nga lutendo, a si nga mishumo. Mishumo i sumbedza uri no tshidziwa. Fhedzi tshine tsha ni tshidza ndi tshilidzi tsha Mudzimu. Tshilidzi tshi a ni tshidza. Tshilidzi ndi tshine Mudzimu a ni itela. Mishumo ndi ine na itela Mudzimu, u sumbedza ndivhuwo ya zwe Mudzimu a ni itela. Fhedzi no tshidzwa nga tshilidzi!

⁵⁸ Vhañwe vhathu vha elekanya, “Ngauri ndi a ya tshivhidzoni, nda ñwalisa dzina ḥanga kha bugu, ndi zwenezwo fhedzi zwine nda tea u ita.” Vhañwe vhathu vha elekanya, “Ngauri ndi a tzhemelela, ndi zwenezwo fhedzi zwine nda tea u ita.” Vhañwe vha elekanya, “Ngauri ndi ya amba nga dzindimi, ndi zwenezwo fhedzi zwine nda tea u ita.” Vhañwe vha elekanya, “Ngauri ndi na maanda a u fhodza vhalwadze, ndi zwenezwo fhedzi zwine nda tea u ita.” A si hezwo? Ndi tshilidzi tsha Mudzimu tshine tsha ni tshidza, tshilidzi tsha Mudzimu tshi mangadzaho. A thi koni u fulufhela vhukoni hanga. Vhañwe vha ri, “Zwo luga, hu na muthu muhulu. Uyo muthu, ndo pfa a tshi ima nahone a ita *izwi*, ndo mu pfa a tshi ima nahone a ita *izwo*.”

⁵⁹ Paulo o ri, kha Vhakorinta ya u Thoma 13, “Naho nda amba nga ndimi dza vhanna na dza Vharuñwa, naho ndi na vhuṭalukanyi, naho ndi na mpho, dza u kanzwa, ndi nga dzhia thundu dzanga dzothé nda kanzwa zwishai, naho ndi tshi kona u sudzulusa dzithavha nga lutendo, naho ndi na ñdívho ya u pfesesa zwithu zwothé, a thi tshithu u swika lufuno lu tshi dzhena ngomu, lune lwa vha tshilidzi.” Mudzimu u tou tea u zwi ita. Ni nga ita hezwi zwithu zwothé na vha ni tshe no xela. Ndi tshilidzi tshine tsha ni tshidza, tshilidzi tsha Mudzimu kha lushaka lwa muthu.

⁶⁰ U elekanya Ngae! Ndo vha ndi tshi khou elekanya nga itshe tshilidzi nga tshihađu murahu ha musi izwo zwi tshi bvelela nga matsheloni a ḥavhuṭanu, nga masiari tshivhangalala, n̄tha ngei mudavhini musi ndi tshi dzula kha danda, nga murahu, huno miđodzi ya shuluwa mađoni anga. “O, Mudzimu, tshilidzi Tshau tsho tutuwa kha u ntshidza. Ndi nga mini Wo vha na uho u pfela vhuṭungu kha vhaṭungufhadzaho, a shonisaho a so ngo funzeaho a ngaho n̄ne? Wo zwi kona hani u tsela fhasi kha theberenakele yashu ḥukhu ya u nyadzea, hune mulalo, na vhathu vha sedzeleyaho fhasi kha vhuṭshilo, vhashai, vha si na tshithu shangoni, huno tshilidzi Tshau tsha di ralo u phadalala mbiluni dzashu, nga Muya Mukhethwa, lune Wa fhodza malwadze ashu na u tshidza zwivhi zwashu, uri tshidza kha zwivhi zwashu, zwavhuđi-vhuđi, nahone wa ri ita vhathu Vhau, wa shuma na riňe?”

⁶¹ Zwenezwo nda elekanya nga Davita, uri musi a tshi dzhia tsheo ya u fhaṭela Murena nnđu, a ri, “A si zwa vhudi nne ndi tshi khou dzula kha nnđu ya miṭaululo, huno Mbulungelo ya mulanga ya Mudzimu wanga i fhasi ha mikumba ya nngu na theberenakele.”

⁶² Mudzimu o vhudza muporofita, “Iya u vhudze mulanda Wanga, Davita, ndo mu bvisa tshitumbani, u bva kha u kanzwa idzo nngu ḥukhu nnđa ngei dza baba wawe, huno ‘nda hudza dzina ḥawe sa vhanna vhahulu kha ḥifasi.’”

⁶³ Nda elekanya nga tshilidzi tsha Mudzimu, uri O kona hani u ita izwo, u tshidza nga vhuphara! Huno-ha a ralo u dzhia muvhī a ḥungufhadzaho sa nne, huno a nneya tshikhala tsha u rera Mafhungo madifha na u vhona vhanwe vha tshi tshidziwa, u vha vhona vha tshi fhodzwa; u vhona mahaya o kwashekanaho, a tshi dovhā hafhu a dzudzanywa; u vhona matshilo o tshinyalaho, a tshi lugiswa hafhu. Huno u nneya tshilidzi! Nda elekanya, “Oo, ndi tshilidzi tshi mangadzaho!” Zwenezwo a da kha a shonisaho, muzwimi wa zwisindi wa fhasi nnđa ngei madakani, huno a Divhumba kha tshivhumbeo tsha *musengavhadzimu*, zwine zwa amba “mulanga,” na Mulaedza we A mpha uri ndi rere, huno a u vhumba heneffo kha mulanga, uri U murahu Hawo! Huno U do vha murahu Hawo, ngauri Mulaedza ndi wa Yesu Kristo na vhugala Hawe.

⁶⁴ O ntendela hani nda tshimbila hoṭhe u mona na shango, u mona na shango, kha dzitshaka, kha vhathu vha dzimilioni, nda vhona vha dzimilioni vha tshi da kha Murena nahone vha Mu ḥanganedza sa Mutshidzi wavho, nda vha vhona vha tshi ḥadzwa nga vhulenda Hawe nahone vha khethefhadzwa nga maanda Awe, nda vha vhona vha tshi fhodzwa nga maanda Awe mahulu a sa gumi. Zwenezwo ndi nga huwelela sa muporofita, huno ndi ri, “A si nungo, kana nga maanda, fhedzi ndi nga Muya wa Mudzimu.” Hu si nga pfunzo, hu si nga thiolodzhi, fhedzi nga Muya wa Mudzimu U tshidza vhathu. Nga Muya wa Mudzimu U fhodza vhathu. Ndi Muya wa Mudzimu une wa neya Mulaedza kha vhathu. Ndi Muya wa Mudzimu une wa khwaṭhisēdza Ipfi.

⁶⁵ Ri na vhorathiolodzhi ḥamusi, ri na Madokotela a Vhukhethwa, ri na vhanna vhahulu hoṭhe u mona na shango, vho thanyaho, vha na vhuṭali na u funzea. Fhedzi zwi dzhia u ḥukufhala ha u tenda Mudzimu, u ita uri Ipfi ḥawé li ambe, u sumbedza uri Yesu Kristo ha shanduki mulovha, ḥamusi, na lini na lini. Zwi dzhia mbilu ya u ḥitukufhadza yo kumedzwaho kha Mudzimu, u disa Yesu Kristo kha tshino tshifhinga. Amen! Arali zwi tshi dzhia thiolodzhi, mini-ha nga Phuresibatherieni, Methodisi, Baphuthisi, Katolika, na zwinzwe zwinzhi; ro vha ri nga si vhe na tshikhala, riñe vhathu vha ḥungufhadzaho nahone vha so ngo gudaho. Fhedzi a zwi dzhii ndivho. “A si nga nungo kana nga maanda, fhedzi nga Muya Wanga,” u ralo Mudzimu, “Ndi do petulula hetshi tshipiri.” Huno, “U do huwelela khawo,

Tshilidzi, tshilidzi, nga u tzhemelela na u huwelela." Zwo ralo namusi, tshilidzi tshi mangadzaho tsha Mudzimu kha vhatu Vhawe. U dzhia hani vha sa koni, vha so ngo gudaho, zwi sumbedza uri Yesu ha shanduki.

⁶⁶ Musi A tshi da, Ho ngo da kha vhorathiolodzhi vhahulu. Nahone Ho ngo ya kha Kaefa, tshifhe muhulu; uri a haṭulwe ngae.

⁶⁷ Fhedzi O dzhia murei wa khovhe, vhanna vhe vha vha vha zwishai nahone vha tshi tshila vhutshilo ho ḋoweleyaho. Huno kha vhenevho A Didzumbulula, nahone a ri, "Ntevhele, huno Ndi do u ita murei wa vhatu," zwi sumbedza uri tshilidzi Tshawe tshi kha di swekelela fhasi kha Vhayuda na kha Vhannda, u vhidza vhatu a tshi itela Dzina Lawe kha ano mađuvha a u fhedza, sa vhunga ri kha di bva u fhira khazwo. Tshilidzi tshi mangadzaho, muungo wa vhudi hani!

⁶⁸ Tshilidzi ndi tsha kale. Tshilidzi ndi tsha kale u fana na shango. Tshilidzi tsho thoma u sumbedzwa kha lushaka lwa muthu musi ri tshi vha na u thoma ha lushaka lwa muthu. Musi lushaka lwa muthu lu tshi thoma u sikiwa ngei tsimuni ya Edeni, nga matsheloni a swiswi musi ulla musadzi muṭuku a tshi wela seli ha mutalo wa phandekano, huno a ita zwi hanedzaho Ndaela dza Mudzimu nahone a kunga munna wawe uri a ite zwithu zwi fanaho, zwenezwo mulayo wa vundeya. Mulayo u tea u vha na mbadelo kana a si mulayo. Huno mūlawo wo vha wa uri, "Duvha line wa la, ḥeneļo ḫuvha u do fa."

⁶⁹ Elelwani, tshidulo tsha khaṭhulo tsha u thoma tsho vha kha ḥifasi, nahone tsho vha tshi ngei tsimuni ya Edeni. Huno tshidulo tsha khaṭhulo tsha u fhedza tshi do vha kha ḥifasi, nga tshifhinga tsha vhufhelo, Khuluṇoni Tshena.

⁷⁰ Fhedzi musi Yehova a tshi tsela fhasi, ndi a elekanya uri ho vha hu si na na naledzi ya u penya, ho vha hu swiswi kha iyo ngade thukhu ya tshedza ye ya vhuya ya ralo, ngauri tshivhi tsho i swifhadza, tsho bvisa Tshedza vhukati havho.

⁷¹ Ndi yone thaidzo kha zwivhidzo ḥamusi. Ndi yone thaidzo kha vhatu ḥamusi. Tshivhi tsho bvisa Tshedza tsha Mudzimu a tshilaho, u sumbedza uri Kristo ha shanduki mulovha, ḥamusi, na lini na lini, nahone U tshilela u tshidza u ya nga vhuphara, na u fhodza u swika kha wa fhasi, muthu a lwalaho.

⁷² Oo, ho vha ho vhifha hani nga ala matsheloni, swiswi lo ḥembelela tsimuni! Ndi a elekanya khuli ya madzanganda matswu. Ndi a elekanya uri maṭari oṭhe ho ngo vhuya a dzinginea. Ho vha hu si na myua u vhudzulaho. Ho vha hu swiswi na u ofhiswa, ngauri tshivhi tsho swifhadza hoṭhe.

⁷³ Heneffo Yehova a bvelela sa muthathabo u vhombaho, a tshi khou tshimbila tsimuni, a tshi huwelela, "Adamu, u gai?" Ndi heneffo he Adamu a zwi limuwa uri o vha a fhedzi na uri o tshinya phanda ha Mudzimu. A ḅidzumba nahone a lingdedza u

diitela vhurereli, fhedzi a zwo ngo shuma. Mudzimu a vhulaya dzinwe nngu, a dzhia mikumba, huno zwi tshi sumbedza uri tshiñwe tshithu tshi tea u fa u itela u putela tshivhi.

⁷⁴ U vha murado wa tshivhidzo zwi nga si vhuye zwa putela tshivhi. U dibula ha maço o omaho a hu nga vhuyi ha putela tshivhi. Zwi dzhia vhuñgungu na u rembuluwa, na tshilidzi tsha Mudzimu, u putela tshivhi; ngauri Malofha a Yesu Kristo, Ene we Mudzimu a vhulaha ngei kha Khalivari, u itela u putela tshivhi.

⁷⁵ Henefho tsimuni nga ayo matsheloni, musi tshivhi tshi tshitswu nga u ralo, Yehova a bvelela. Afho ho vha ho ima vhafunani Vhawe, vho hañulwa. Ho vha hu si tsha do vha na lushaka lwa muthu, vho vha vho tea u fa; lufu kha lushaka lwa muthu, ha netshedzwa shango murahu kha zwivhanda zwa daka huno ho vha hu si tsha do vha na lushaka lwa muthu. Fhedzi nga awara ya swiswi lihulu, nga itsho tshifhinga musi fulufhelo loþhe lo tuwa, tshilidzi tsha da tshi tshi dzhena, tsha ri, "Ndi do ni ñeya Mutshidzi, Mesia." Oo, ndi vhuñolo uri Mudzimu a vhuye a zwi ite! Tshilidzi tsha Mudzimu tshi mangadzaho ngei tsimuni ya Edeni, tshe tsha vha netshedza pfulufhedoriso ya Úyo Ane A kona u ña nga kha musadzi. "Mbeu ya musadzi i do rwa thoho ya ñowa," o khakhaho, "huno mbeu yayo i do i luma tshirethe," u sumbedza uri hu do vha na mañupho kha Tshivhidzo. Fhedzi O fulufhedoriso gundo! Ndi mini tsho bveledzaho Mutshidzi? Tshilidzi!

⁷⁶ Vho vha vha tshi nga sumbedza mini uri vha fanewe nga tshilidzi? Vha nga sumbedza mini u zwi ita? Tsumbedziso ya mmbi, ibvani khazwo, ndi khou ñoda a zwi ita fhedzi kha phuluphithi yanga hafha u ñea mbuno, "u pomokana." Adamu o ri, "Musadzi We wa ñeya ene o zwi ita." Musadzi a ri, "Ñowa yo mphura." Muñwe o zwi sumba kha muñwe. Ho vha hu si na fulufhelo khavho.

⁷⁷ Fhedzi Mudzimu a bveledza tshilidzi, nahone tsha bvelela! Huno A ri, "Fhedzi Ndi do vula ndila, nga inwe ndila-vho. Ndi do ni tshidza, hu si na ndavha. No khakha, no pfuka milayo Yanga. Huno milayo Yanga i do tea u ralo, fhedzi khañhulo u bva kha milayo Yanga i do tea u netshedzwa. Ngauralo hu do tea u vha na lufu, ngauri Ñdo ri 'lufu.'"

⁷⁸ Zwino, khonani dzanga dza Vhakriste. Huno hedzi theiphi dzo itwaho hafha dzi do phadalala u mona na shango. I ri ni ndi ni vhudzise tshiñwe tshithu, vho inwi vhane na lingedza u ita Mudzimu sa Whomudzimu vhararu, kana vho inwi vhane na lingedza u Mu ita muthihi, sa muñwe wañu. U tou vha muthu muthihi!

⁷⁹ Zwi nga si vhe zwone Mudzimu a tshi ita uri Muruñwa a fe. A nga si vhe Muhañule ene nahone a ita uri Muruñwa a fele muthu. Nazwo hezwo a zwi li fhodzi, ngauri mulayo Wawe muhulu u ñoda lufu, nahone tshiñwe tshithu tshi tea u fa, huno Muruñwa a

nga si fe. Nahone A nga si ri, “Efa, ngauri wo ita uri Adamu a ite hezwi, Ndi do u ita uri u fe, nda litsha Adamu a tshila,” ngauri Adamu o vha tshipida nae-vho.

⁸⁰ Vhunga muňwe muthu o ri, “Pilato o itwa o lugaho, o ḥambā zwanda zware.” Ni nga si ḥambé Malofha a Yesu Kristo a bva zwandani zwanu. A ni nga bvi kha tshino tshifhaṭo ano matsheloni na ya Tađulu, arali na fa zwivhini zwanu. A zwandani zwanu. Ngauralo, a zwo ngo luga.

⁸¹ Ho vha hu tshi tou vha na ndila nthihi fhedzi. Hu na ndila nthihi ine i nga ralo, mulayo muhulu wa Mudzimu, ḥodeya i nga swikelelwa. U tea u i swikelela Ene muňe. O tea u ralo. Mudzimu ndi Muya nahone A nga si fe. Ngauralo Mudzimu o tea u itwa muthu, nahone A fa namani, kha tshivhumbeo tsha muthu a vhidzwaho “Yesu Kristo,” nahone hoyo o vha a Mesia o fulufhedziswaho we a qisa tshilidzi. Ndi henefho hune na vhona uri Mudzimu na Kristo ndi Muthu muthihi, Mudzimu a tshi khou dzula kha Kristo. “Nñe na Khotsi Anga ri Muthihi, Khotsi Anga vha dzula kha Nñe; a si Nñe ane nda amba Ipfí, fhedzi Khotsi Anga vhane vha dzula kha Nñe.” Mudzimu kha Kristo! Zwo tou ralo.

⁸² Tshilidzi tsho fulufhedziswaho tsimuni ya Edeni, huno tshilidzi tsha da, tshilidzi kha Adamu na Efa. Ho vha hu si na vhuyo, hu si na ndila ya u rembulutshela huno fhedzi tshilidzi tsha ita ndila!

⁸³ Iri ni ndi ambe hezwi, khonani yanga ya muitazwivhi. Ni nga vha ni fhano ano matsheloni ni phombwe, ni nga vha ni fhano ano matsheloni ni mufuni wa musadzi, ni nga vha ni fhano ni tshidakwa kana mubetshi, kana muvhulai. Ni nga vha ni fhano ni munna a so ngo kunaho, mufumakadzi a so ngo kunaho. Ni nga vha ni fhano ni muitazwivhi muhulu. Ni ri, “Ndo fhira tshikalo tsha thengululo.” Hai, a ni ngo ralo, kana ndi musi ni si ho tshivhidzoni ano matsheloni. Tshilidzi tshi do ni vulela ndila kha ino awara ya swiswi arali na nga tshi ḥanganedza. Adamu o tea u tou funa u tshi ḥanganedza, ngauralo na inwi. Tshi ḥanganedzeni.

⁸⁴ Tshilidzi tsha Mudzimu tsho swikelela tshifhingani tsha Noaxe. Noaxe, muthu zware, ene na muṭa wawe. Fhedzi ngauri Noaxe o ofha Mudzimu, o tenda Mudzimu! Ni nga si ofhe Mudzimu ni sa tendi. Ni nga ofha hani tshithu tshine a ni tshi tendi? Ni tea u ofha Mudzimu. Sołomoni o ri, “U ofha Mudzimu ndi u ranga ha vhuṭali.” Zwino, u tou ofha Mudzimu fhedzi, ni khou thoma u vha na vhuṭali. Huno nyofho dza Mudzimu, Noaxe o ofha Murena nahone a tenda kha Murena. Huno ndi zwenezwo zwine Mudzimu a ḥonifha, ndi lutendo lwanu Khae. Ndi zwone. Zwenezwo musi nyofho dza Mudzimu dzi tshi da kha Noaxe, Mudzimu o mu vhidza nga tshilidzi, nahone a mu tshidza na nndu yawe ngauri ho vha tshilidzi tsho zwi itaho. Hu si ngauri Noaxe o vha a muthu muhulu wa u naka u fhira vhaňwe vhoṭhe, hu si ngauri Noaxe o ya kha tshivhidzo tsha khwiňe tshe tsha vha

tshi hone shangano, hu si ngauri u wela kha dzangano ṥa khwiṇe, hu si ngauri o vha a tshi kona u ambara khwiṇe, hu si ngauri o vha a na tshedele nnzhi, hu si ngauri o vha a muṇwe muthu o khetheyaho. Fhedzi nga nthani ha tshilidzi tsha Mudzimu, Mudzimu o tshidza Noaxe. Tshilidzi tsho tshidza Noaxe (hu si mishumo yawe; fhedzi tshilidzi Tshawe) huno tsha dovha tsha tshidza na muṭa wawe.

⁸⁵ Ri vhidza iñwe mvumbo ye tshilidzi tsha Mudzimu tsha swikiswa, vhunzhi havho, ri do tou amba vhaṭuku. Abrahamu. Abrahamu, a si muthu o khetheyaho, o bva fhasi kha thawara ya Babele, khaṇwe kha tshigwada tsha vhaloshi vha zwifanyiso (khotsi awe), a tsela fhasi kha shango ṥa Shinar fhasi heneffo, uri a dzule kha dorobo ya Ur. Huno musi a heneffo, Mudzimu a amba nae nga tshilidzi. Hu si ngauri o vha o fhambana, hu si ngauri o vha a muthu wa khwine; fhedzi, nga tshilidzi, Mudzimu o mu vhidza. Bivhili i ya zwi dīvhisa. Oo, Abrahamu, Abrahamu o linga hani u kondelela ha Mudzimu! A mu vhudza, a ri, “Abrahamu, dzula kha heli shango, u so ngo bva khaļo.” Fhedzi musi ndala i tshi tou dzhena, Abrahamu a shavha.

⁸⁶ Abrahamu o amba nga rine. Mudzimu o dzhia—Mudzimu o dzhia Abrahamu nga tshilidzi, huno a mu tshidza. Huno U ni dzhia ngauralo, nga tshilidzi. Huno ri linga hani u kondelela hawe? Namusi ri n̄ha, matshelo ri fhasi. Liñwe duvha ri a tenda, duvha li no tevhela ri khou kana-kana. Namusi ri Methodisi, matshelo ri Baphuthisi. Namusi ri tenda kha phodzo Khethwa, matshelo thumbi i a vhavha nahone ri si dīvhe uri ri a tenda kana hai. Fhedzi vhukati ha hezwo zwithu zweothe, Mudzimu u khou ḫoda ri tshi dzula ro lugela. Fhedzi U ri tshidza, zwe ḫiralo. Arali ho vha hu si tshilidzi tsha Mudzimu, ndi musi rothe ro no ṭuwa. Zwe tou ralo. Mudzimu u ri tshidza nga tshilidzi Tshawe.

⁸⁷ Abrahamu o vha a tshi khou tea u dzula kha ḥeneļo shango, fhedzi a tsela fhasi kha ṥa Vhakaladea, kana, hu si Vhakaladea, fhedzi Vhafilista. A tsela fhasi heneffo u dzula lwa tshifhinga tshilapfu, hu u itela u bva ndalani. Zwithu zwe zwi tshi khou kondanyana n̄ha ngei kha shango ṣawę, ngauralo a tsela fhasi fhasi heneffo u dzula fhasi heneffo navho. A ita kokotolo zwe Mudzimu a mu vhudza uri a so ngo ita, fhedzi tshilidzi tsha Mudzimu tsha bvelela khae, tsha bvisela Farao kule na...kana yone—kana khosi kha u dzhia mufumakadzi wawe. Tshilidzi tsha Mudzimu. Musi Abrahamu o ri, “Ndi khaladzi anga,” a zwifha, fhedzi tshilidzi tsha Mudzimu tsha mu fara ngauri o rembuluwa. O vha a tshi khou funa u rembuluwa.

⁸⁸ Huno nnyi na nnyi ane a funa u rembuluwa, tshilidzi tsha Mudzimu tshi kha ḫi ni swikelela. Tshilidzi tsha Mudzimu tshi khou ḫodana na inwi. Ngauralo, zwi ambelwa kha vho inwi vho humelaho murahu ano matsheloni, tshilidzi tsha Mudzimu tshi kha ḫi ḫodana na inwi. Arali na nga tou rembuluwa, tshilidzi tsha Mudzimu tsho edana.

⁸⁹ O dzhia hani Abrahamu wa vhuđi wa kale, a mu vhuisa murahu! Huno elelwani, Abrahamu ho ngo tshidzwa nga mishumo yawe, o tshidzwa nga tshilidzi. Abrahamu o tshidzwa nga lutendo, lune lwa vha tshilidzi. Huno Mudzimu o tshidza Abrahamu nga nthani ha tshilidzi Tshawe, hu si nga nthani ha kutshilele kwawe. O mu tshidza nga nthani ha tshilidzi Tshawe. Oo, ndi zwa vhuđi hani! O tshidzwa nga tshilidzi.

⁹⁰ Kha ri dzhie Isiraele. Ndi na Luňwalo lwo ñwalwaho fhasi hafha. Ndo lu ñwala fhasi uri ndi kone u sedza khalwo muhumbuloni wanga. Arali ni tshi khou ḥoda u lu ñwala, holwu lu do vha lwa vhuđi kha u elelwa arali ni tshi ḥoda u ralo, Doiteronomio 7:7. Mudzimu o neya Abrahamu pfulufhedziso Yawe, kana ho ngo neya Abrahamu, nkhangweleni, o neya Isiraele. Huno a vha vhudza, "Arali na sa dibädekanya na u losha zwifanyiso! Arali na sa ita hezwi zwithu! Arali na nga sendela kule na hovhu vhuṭambo ha u sa tenda! Arali na nga ita hezwi zwithu, zwenezwo Ndi do ni isa kha shango la vhuđi, Ndi do ni londota, Ndi do ni kanzwa, Ndi do ni ranga phanda. Ndi do ita hezwi zwithu arali na nga ita hezwi na hezwi, arali na Mpfunu, arali na tevhedza Milayo Yanga, maimo Anga, ndaela Dzanga. Ndi do ita hezwi zwithu arali na nga tou ita tshiñwe tshithu, huno na tevhedza Milayo Yanga na Mpfunu."

⁹¹ Vhunga munna a tshi khou londota mufumakadzi, huno a tshi ri, "Arali na nga vha musadzi wa vhuđi, arali na nga londota nnđu, arali na nga vha wa ngoho kha nne, arali na nga ita uri zwiambaro zwanga zwi dzule zwe kuna; arali ra vha na vhana, arali na nga vha mme khavho; arali na nga ita zwithu, ndi do shuma u swika zwanda zwanga zwi tshi shuluwa malofha, u ni itela zwa u tshila ngazwo, arali na nga zwi ita." Fhedzi zwenezwo, elekanyani, mini-ha arali uyo musadzi a ita zwi si zwone, a tshila nga u bvafha, a sa shumi, a sa iti tshithu? Zwenezwo zwi dzhia tshilidzi u fara muđi nga ñanda nthihi.

⁹² O Mudzimu! Zwe dzhia tshilidzi tsha Yehova u fara muđi Wawe sa tshithu tshithihi. Huno ndi yeneyo ndila i yothe ine ra nga vha muća wa Yehova ñamusi, ndi nga nthani ha tshilidzi tsha Yesu Kristo; ndi musi roćhe ri si tsheho. Fhedzi ndi tshilidzi, oo, tshilidzi!

⁹³ Zwino, fhedzi a vho nga zwi tevhedza. Fhedzi vho vha vho ralo, a vho ngo da kha pfulufhedziso nga vhuđalo; hu si uyo murafho. Hai, avho vhe pfulufhedziso ya itelwa vhone, vho fa ngei sogani. Fhedzi Mudzimu o vha kanzwa, Mudzimu o vha londota, Mudzimu o vha funa, O vha tshimbida u mona. Nga mini? Ndi tshilidzi Tshawe tsho zwi itaho, tshilidzi Tshawe nga nthani ha pfulufhedziso Yawe, pfulufhedziso Yawe zwenezwo, tshilidzi tsho tshimbilaho na pfulufhedziso Yawe. Fhedzi a vho ngo vhuja vha swika kha vhundeme ho fhelelaho ha shango la pfulufhedziso.

⁹⁴ Huno na tshenetshi tshivhidzo-vho a tshi athu u da kha vhundeme hatsho ho fhelelaho. Tshilidzi tsha Mudzimu tsho ri fara. Fhedzi U khou toda u wana tshivhidzo tshire tsha do Mu thonifha, vhathu vhane vha do dzhia Ipfi Lawe nahone vha ri “Ndi Ngoho,” hu si na ndavha na dzangano lanu. Ha khou toda vhathu vhane vha do ri, “Zwo luga, ndi muvhuya sa inwi. Ndi Muphuresibatherieni, ndi Mumethodisi, ndi Mukatolika, ndi muvhuya sa inwi.” Hezwo a si tshilidzi; hezwo zwi sumbedza uri hu na tshiwe tshithu tsho khakheyaho.

⁹⁵ Fhedzi muthu, hu si na ndavha, ane a do vhala Ipfi la Mudzimu huno a vhona uri ni tea u bebwa hafhu na u dadzwa nga Muya Mukhethwa, izwo vha do zwi tenda, vha do zwi dzhia nga Ipfi. Vha do dzhia Ipfi kokotolo zwine La amba.

⁹⁶ Vhunga kha dzindovhedzo na u shashwa; ndovhedzo ndi yone. A hu na muthu kha Bivhili we a vhuya a shashwa, a hu na zwithu zwo ralohu kha Luñwalo. Nahone a hu na muthu na muthihi we a vhuya a lovhedzwa nga dzina la “Khotsi, Murwa, Muya Mukhethwa,” kha Bivhili. Vho ralo, muñwe na muñwe, u lovhedzwa nga Dzina la Yesu Kristo. Ngauralo a hu na na muthihi, na divhazwakale na nthihi zwayo ine... Arali muñwe muthu a tshi nga ntsumbedza huñwe fhethu, huñwe fhethu kha divhazwakale, hune muñwe muthu o vhuya a lovhedzwa kha Bivhili, kana miñwaha ya madana mararu murahu ha lufu lwa mufunziwa wa u fhedza, u swika kha tshivhidzo tsha Katolika, arali muñwe muthu a tshi nga sumbedza huñwe fhethu hune muñwe muthu o vhuya a shashwa kana u lovhedzwa nga dzina la “Khotsi, Murwa, Muya Mukhethwa,” u swika kha tshivhidzo tsha Katolika, no vhofheya tuyani u da na mmbudza. A zwi ho hafho. Fhedzi ri ita mini?

⁹⁷ Ro fhira kha *Zwikathi Zwa Tshivhidzo* nahone ra vhona hune vha tea u ita izwo. Ngauralo, ni a vhona, Mudzimu u khou toda muñwe na muñwe ane a do Mu thonifha. Arali zwi si ho Mañwaloni, zwenezwo a si muthu... ndi pfunzo ye muthu a tou diitela nahone a si Pfunzo ya Bivhili. Ni a vhona? Ngauralo hu si na ndavha uri tshivhidzo tshi hani, uri no khakha hani, izwo zwi disa phambano-de? Ndi u vha kha zwi re zwone zwino! Tshilidzi tsha Mudzimu tsho ni sumbedza, zwenezwo tshimbilani khatsho. Tshilidzi tsha Mudzimu!

⁹⁸ Elelwani Mushe, nae-vho, ula murangaphanda muhulu. Mudzimu o vha o tea u mu vhulaya musi a tshi tsela fhasi afho u dinyea vhugala nga u rwa lia Tombo, huno a ri, “Ni a vhona zwine ndi nga ita?” nga mañwe maipfi. “No nyadza, naa ri tea u tou ni kela madi u bva kha Tombo?” Huno a Li rwa nahone madi a si bve; a dovha a Li rwa. O ita mini? O tanziela vhuhoña ha—ha Kristo, ngauri Kristo o vha a Tombo. Ilo ndi Tombo la tshiuludza. Vhudzuloni ha u li rwa, kana u amba nało... .

⁹⁹ Lo rwiwa luthihi. Elelwani, Mudzimu o vhudza Mushe hafha kha Ekisodo, “Tshimbila nahone Ndi do ima phanda—phanda hau, n̄tha ha Tombo, huno u rwe Tombo.” Huno a rwa Tombo nahone La bveledza madi. Mudzimu a ri, “Tshifhinga tshi no tevhela, tshimbila u ambe na Tombo huno Li do bveledza madi Alo.”

¹⁰⁰ Fhedzi Mushe o vha a tshi khou ḥoda u sumbedza uri u na ndaulonyana, maandanyana, ngauralo a ri, “Ndi do ni bvisela madi kha ili Tombo.” Mudzimu o vha o tea o mu vhulaha, nga izwo. Mudzimu o vha o tea o mu fhandekanya, ngauri o vunda mulayo wa Mudzimu heneffo, ngauri o amba nga vhuhota ha Kristo, O tea u rwiwa lwa vhuvhili. Kristo o rwiwa luthihi fhedzi. Zwino ri amba na Tombo, nahone Li do bveledza madi Alo.

¹⁰¹ Fhedzi ho vha hu mini? Kha ri lavhelese kha mukalaha, u na miñwaha ya ñana na fumbili.

¹⁰² Muñwe muthu o amba na nñe a si kale, a ri, “Mudzimu ndi Mudzimu a sa pfesesei,” a ri, “ngauri o laña Mushe. Nga murahu ha musi o tambula na avho Vhahevheru ïwa miñwaha ya fuina ngei sogani nn̄da heneffo, A mu lat̄edza nahone a si mu tendele na u dzhena kha shango la pfulufhedziso.”

¹⁰³ Nda ri, “Oo, maloto!” Hai, Ho ngo laña Mushe. O dzhena kha shango la pfulufhedziso. Ho no fhela miñwaha i yelaho kha madana a sumbe, o vholiwa n̄tha ha Thavha ya Tshandukiso, a tshi khou tshila sa zwe a vhuya a ralo, o ima, a tshi khou amba na Yesu phanda ha musi A tshi ya kha Khalivari, ene na Eliya, vho ima vhothe, vha tshi khou amba, navho-vho. Mushe na Eliya vho bvelela kha Yesu, Petro, Yakobo na Yohane, kha Thavha ya Tshandukiso. O vha a so ngo fa. O vha a tshi khou tshila. Mudzimu ho ngo mu lat̄edza. O vha a Palestine.

¹⁰⁴ Zwino lavhelesani, phanda ha musi a tshi fa, o gonya n̄tha ha Thavha ya Nebo, ala matsheloni musi a tshi ñivha uri u khou ḥuwa. O vha o no fhedza u bvula Aroni, a vheya zwiambaro zwawe kha muñwe. A dzhia nguvho yawe, a i fha Yoshua, a mu laya u dzula na iyo milayo! Huno musi a tshi gonya n̄tha ha Thavha ya Nebo, a fhira kha miedzi i si na tshithu, a tshi khou zwi ñivha uri u khou gonya n̄tha hafho u fa, nahone a gonya n̄tha ha Thavha ya Nebo, na n̄tha ngei Pisgah. Huno musi o ima n̄tha heneffo, Mudzimu a ri, “Lavhelesa kha shango. Ndi khou ḥoda u tshi li vhona. Mushe, ndi musi wo ya heneffo. Fhedzi u ya ñivha zwe wa ita fhasi afho kha Tombo liya ñuvha? Wo ñineya vhugala.” Ndi elekanya uri izwo ndi zwone zwine zwa khou ya u vha thaidzo khulu kha vhathu vhanzhi ñamusi. “Vha ya fhasi kha ilo Tombo, nahone na ñineya vhugala.” Fhedzi lavhelesani musi a tshi lugela u fa, heneffo ho vha hu na Tombo. A nga vha o gonya n̄tha ha Tombo heneffo Pisgah, huno Mudzimu a mu swiña. Fhedzi a nga vha o vuwa hafhu, huñwe fhethu, ngauri o vha a tshi khou tshila. O vha a tshi fanyisa Kristo. O vha a

heneffo, o ima kha Thavha ya Tshandukiso, ho no fhela minwaha ya mađana, ngei Palestine. Ni a vhona, tshilidzi tsha Mudzimu tsho bveledza Tombo. Oo, nne-nne!

¹⁰⁵ Musi ndi tshi elekanya nga Abrahamu, phoswo dzothe dze a ita, na Mushe na phoswo dzawe, fhedzi musi maambiwa a Abrahamu a tshi nwaliwa, musi maambiwa Makhethwa a tshi nwaliwa, musi Paulo a tshi nwala maambiwa a Abrahamu, ho ngo vhuya a amba tshithu nga ha u sa tenda ha Abrahamu. Hai, hai, a zwo ngo vhuya zwa vhalelwa khae. O ri, “Abrahamu ho ngo gobagoba kha pfulufhedziso ya Mudzimu nga u sa tenda, fhedzi o khwathela, a tshi neya thendo kha Mudzimu.”

¹⁰⁶ Thabelo yanga yo nyadzeaho ndi u ri, phanda ha musi tshilidzi tsha Mudzimu tshine tsha vha fhano ano matsheloni, ndi fulufhela uri anga a nwaliwe sa zwenezwo, lune Ha nga vhoni phoswo dzanga. Uri musi maambiwa anga a tshi nwaliwa, nganeavhutshilo yanga, i si vhalive uri ndo ita phoswo na vhukhakhi, fhedzi A vhone zwithu zwe nda lingedza u Mu itela. Ngavhe zwi tshi sokou vha... Ndi mini tshi no ita izwo? U do dzhia tshilidzi tsha Mudzimu tshine nda tenda khatsho. Huno ndi heneffo hune nda khou fulufhela nga maanda. Ngauri kha zwine nda kona u ita ndi nga si ite zwinzhi u fhira vhañwe vhothe, fhedzi ndi khou digogodzedza kha tshilidzi tsha Mudzimu. Ee, ndi tshilidzi tshine nda khou digogodzedza khatsho.

¹⁰⁷ Ho vha hu na Tombo hafho he Mushe a lugela u fa hone.

¹⁰⁸ Ri nga ri mini nga Davita? Tshilidzi tsha Mudzimu! Ula mukundi muhulu ane Mudzimu Ene muñe... O ri, “Ndi muthu phanda ha mbilu Yanga Yone inę.” Mukundi muhulu, Davita, u ita hani izwo zwithu zwi ngaho zwe a ita, u dzhia Uria, sole lawe, musi a na tshigwada tsha Vhanna nda afho tsha masole? Thetshelesani nga maanda kha hetshi tshītori tshītuku lwa tshikhalañana. Musi vha na masole avho nda hafho, huno Uria o vha a ene ane a ima tsini na Davita. Uria o vha a thundu, o vha a Muhethe, thundu kha vhurereli ha Vhayuda. Huno avho vhanna vho vha vha tshi funa Davita nga maanda! Vho vhona uri ndodzo i khae, naho o vha a—a mutsinda. O vha o pandelwa kha shango lawe, a tea u dzula na Vhafilista. Saulo o vha a tshi khou mu zwima. Fhedzi havho vhanna, vho vhona ndodzo khae! Vho zwi ñivha uri u khou da maandani. Vhugala kha Mudzimu!

¹⁰⁹ Ndo takala nga maanda u vha mutsinda namusi, ngauri ndi a zwi vhona uri Kristo u khou da u vha Khosi. Ni nga khetha Vhokeneddy vhothe na vhanzhi vhane na toda u ralo. Fhedzi Kristo u do vha Khosi! Ndodzo i Khae, kha Mulaedza Wawe wa u Vhuya Hawe. Huno U do vha Khosi!

¹¹⁰ Vho ita mini? Linwe ñuvha o vha o ima ntha afho a na dora la u ñwa mađi a bvaho khoroni nda afho Betlehem, he a vha a tshi ya u lisa sambi la nngu. Huno ni a ñivha uri mini? Vhanna

vhavhili kha avho vha bvisa mapfumo huno vha tumula maela dza fumiñhanu dza ñama ya muthu, u itela uri vha mu wanele bakete la madi. Ngauri, ngani, lutamo lwawe luñuku lwo vha lu mulayo khavho. Elekanyani izwo! Huno vha tumula avho vhanna, u ya ntña thodzini ya thavha hune vha ri o vha o ima hone, zwo vha zwi tshi yela kha maela da fumiñhanu. Vho fhira nga heneffho. Huno muthu muñwe na muñwe a takuwa, vho vha vha tshi do tamba ngae u swika vha tshi mu vhulaha. Vha fhira! Huno vha dzhia heli bakete nahone vha dzhia bakete la madi, heneffho kha muduba wa swina, vhanna vhavhili, u wanela khosi yavho, murathu wavho, tshikalo tsha madi. Musi, o no wana madi ntña afho a u ñwa, fhedzi o vha a tshi khou ñoda *hayo* madi.

¹¹¹ O Mudzimu, ntendele ndi dzhie Banga la Ipfi nahone ndi tumule dzangano liñwe na liñwe, uri ndi vhuise ndovhedzo ya Dzina la Yesu Kristo, na Maanda a mvuwo na Muya Mukhethwa, murahu kha vhathe, hu si na ndavha uri...ngauri U khou da u vha maandani. U khou da u vha maandani, U do ima a eñhe. Fhedzi Zwi tumula dzangano liñwe na liñwe, zwi tumula nqivho iñwe na iñwe, mikhuvha ifhio na ifhio yo itwaho nga muthu, u swika ni tshi disa nngu kha Mutshidzi ye ya xela, muñwe muthu, vhuisani Pfunzo dza Bivhili murahu hafhu, dza uri Yesu Kristo ha shanduki mulovha, ñamusi, na lini na lini. Tshilidzi tsha Mudzimu!

¹¹² Lavhelesani kha Davita. A nga ralo u ita hani... Muñwe o thamutshela mulongani huno a vhulaya ndau. Davita a nga ralo u dzhia mufumakadzi wa Uria hani, Batseba wa lunako, musi a na vhabumakadzi vha mañana mañanu vhawé? Fhedzi nga u mu vhona a tshi khou ñamba. Huno u sa londa khoho. Zwino, o vha o tou hangwa u thivha musi a tshi khou ñamba, huno a tshi zwi ñivha uri khosi i kha lwendo heneffho, nga heneffho, ñuvha liñwe na liñwe, fhasi kha lwonolwo luvhondo.

¹¹³ Khakhathi ndi yeneyo. A thi elekanyi uri vhasadzi ñamusi a vha londi nga u ralo kana nga mañanda, zwo luga, vha tou bva vha fhedzi, ndi zwenezwo, zwiñarañani, vho ambara zwiñambaro zwipfufhi zwa kale. Zwi a ñengisa! Huno na ñivhudza uri ndi nga mini vhanna vha tshi phamuwa na u lidza muludzi. Nga mini, vha ita izwo uri vha vhidzelele na u ita nga u ralo. Izwo vha ya zwi ñivha, vha na zwipfhi zwa u ñivha izwo. Vha zwi ita ngauri vha khou ñoda u ralo. Zwi mbiluni dzavho. Na vha vhudza uri a vha na mikhwa, vha nga nyadza izwo. Fhedzi vha nga vha vha si na mikhwa, vha nga vha vho kuna sa dzuvha, musi zwi tshi da kha zwa vhudzekani. Fhedzi, elelwani, hu na maya khavho, iyo ndodzo ya diabolo, i khou rumela mimuya ya vhañwe vhanna heleni. Elelwani, Bivhili yo ri, "Nnyi na nnyi ane a lavhelesa kha musadzi, lwa u mu emula, o no ita vhupombwe nae mbiluni yaye." Huno elelwani, khaladzi, ni ño fhindulela u ita vhupombwe naho ni so ngo zwi ita nga nyito kha vhutshilo hanu hoñhe, fhedzi hoyo muitazwivhi we a ni lavhelesa nga ndila

ine na ambara ngayo, u do vha na mulandu wa vhupombwe. Ni do fhindula nga ḋuvha ḥa Khaṭhulo, nge na ita vhupombwe. Musi a tshi do ri . . .

¹¹⁴ Hafha U ri, O ḥwala kha Bugu Yawe, “U ita vhupombwe.”

“Na nnyi?”

“Vhomme-John Doe.”

“Zwenezwo, Vhomme-John Doe, mini-ha nga izwo?”

¹¹⁵ “Ndi a ana a . . . U ya ḋivha rekhodo yanga, a tho ngo vhuya nda tshila na muñwe munna nnḍani ha munna wanga.”

¹¹⁶ “Fhedzi wo ḋiambadza u swika u tshi ita uri hoyu munna a tshi ita vhupombwe. Huno u na mulandu wa vhupombwe nae. U do zwi itisa zwenezwo. Ndi inwi ane na do swaiwa phoswo, ndi inwi muñe no ḋitanaho.”

¹¹⁷ Batseba o khakha vhunga Efa o khakha, fhedzi Adamu o anganyelwa khazwo. Ndi elekanya uri ri dzulela u tzhemelela nga vhasadzi, na rine-vho. Vhoinwi vharwa vha Mudzimu, vhanna. Ndi a zwi ḋivha uri ni tshigwada tsho khwathaho, ndi zwone, mbeu yo khwathaho. Ni fhira vhasadzi, iyo ndi ngoho, ngauralo tshilani nga u ralo. Ni so ngo vha ḥeya maanda, u lingedza u dzhia muñwe musidzana muñku na tshinyadza vhutshilo hawe. Fhedzi ivhani murwa wa Mudzimu, mu vhudzeni uri u khou khakha, nahone ni ime sa murwa wa Mudzimu. Ndi khaladzi anu. Ee, muñe wanga. Zwine ra lingedza u ita, vhanne vha ralo u vhidzwa vharwa vha Mudzimu namusi, vha wela fhasi ha zwivhidzo, vha dzhia musidzana muñwe na muñwe muñku ane vha kona vha bva nae. Elelwani, ngauri hu na musadzi a no tshila zwo khakheyaho zwi nga vha nga nthani ha uri muñwe munna o malaho o mu tshinyadza, nae-vho. Ngauralo, bodo i nga si vhidze gedela uri ndi ntswu, ngauralo elelwani. Izwo zweþhe zwi itiwa nga tshivhi. Huno roþhe ro vhofheya uri ri fe, nahone ni tea u fa nga nthani ha izwo.

¹¹⁸ Musi Davita o ita hezwo zwithu zwivhi, khaṭhulo yawe ene muñe yo vha yo tea u mu vhulaha. Musi ula muporofita a tshi bvelela heneffo, o elekanya uri zwo vha zwo dzumbama. Musi muporofita a tshi bvelela heneffo nthā nahone a ima phanda hawe, a ri, “Davita, naa zweþhe zwi khou tshimbila zwa vhudi?”

A ri, “Zweþhe zwo luga.”

¹¹⁹ Davita, kha nguvho dzawe ndapfu na khare yawe khulu, huno o vha o rumela Yoaba nn̄da ngei, mulangammbi wawe muhulwane, huno nndwa dzi tshi khou itea. O vha a tshi khou sendedza maswina oþhe kule na mutalo wa khethekanyo na zweþhe, zwithu zweþhe zwo vha zwi tshi khou tshimbila nga ndila yone. A vha na ḥwana nga hoyu Batseba. Huno a ita uri Uria a ḥungufhale a ye nn̄da afho, nahone a ita uri Yoaba a ime nga thungo hawe, u swika tshi tshi mu ḫutshela. Huno—huno—huno mutukana a fa musi ḋuvha li tshi kovhela, na lufhang

Iwa nndwa tshandani tshawe, malofha kha tshitangu tshawe, he a imela Isiraele, fhedzi ngeno o vha a tshi kha di tou bva u shandukiselwa kha vhurereli havho. Huno musi Yoaba a tshi vhuya murahu huno a mu vhudza uri—uri Davita o fa . . . uri—uri Uria o fa, Davita a elekanya, “Zwithu zwothe zwe luga zwino. Ndi na mufumakadzi wawe, nahone zwothe zwi do luga. Ndi na lushie.” Fhedzi lushie lwa lwala. Lushie lwa thoma u fa. Huno a ita zwothe zwine a kona uri a tshidze vhutshilo ha lushie, khañwe dokotela linwe na linwe lo da. Zwi si thuse. Mafheleloni, lushie lwa fa. Vho vha vha tshi khou ofha u vhudza Davita uri lushie two fa. Huno a fa. Huno a elekanya uri zwithu zwothe zwe dzumbama. Ngauralo a khuthadza Batseba. O vha o no mu dzhia sa mufumakadzi wawe, nga murahu ha avho vhañwe vhafumakadzi vhothe.

¹²⁰ Hoyu muporofita wa kale, rampandane wa kale a bvelela, Nathani wa kale, u bva ngei sogani, a dzula fhasi, a ri, “Davita, zwithu zwi khou tshimbila hani?”

¹²¹ A ri, “Zwo vhuđi! Zwa vhuđi! Muporofita wa kale wa Mudzimu, tshila u hule! Haļeluya!” Oo, o vha a tshi tou . . . O elekanya uri zwithu zwothe zwe dzudzanye, o elekanya uri a nga zwi dzumba.

¹²² Fhedzi ni nga si dzumbame u bva kha Mudzimu! U a divha zwine na khou elekanya zwino. U a divha ngelekanyo dzañu, ngauri U Mudzimu. Uyo Muya Mukhethwa u re ngomu tshifhałoni ano matsheloni, u ya divha ngelekanyo dzañu, uri ni nnyi, uri ni bva gai, zwe na ita, ngauri Yesu Kristo ha shanduki mulovha, ḥamusi, na lini na lini.

¹²³ Mudzimu o zwi dzumbululela uyo muporofita. A ri, “Davita, ho vha hu na munna wa mupfumi we a vha a tshi tshila kha *heyi* thungo ya ndila, o vha a na nngu mnzhi, oo, o vha o pfuma nga maanda. Munna o vha a tshi dzula kha *heyi* thungo ya ndila, o vha a mushai, o vha a na nngu nthihi. O vha a tshi i fara sa ḥwananyana. O i kanzwa nga lebula nthihi ine a la ngayo. O vha a tshi edela na *heyi* nngu. Zwithu zwothe zwe vha zwi tshi tou vha . . . Yo vha i tshi nga ḥwananyana khae. Huno linwe duvha mueni a bvelela, ngauralo, vhudzuloni ha uri munna wa mupfumi a dzhie nthihi ya nngu dzawé huno a itela tshimima mueni, zwe luga, vhudzuloni ha izwo, a ḥuwa a dzhia nngu ya munna wa mushai, nahone nga u tou kombetshedza, a dzhia nngu nahone a i vhulaha, huno a ita tshimima.”

¹²⁴ Zwino, uho ho vha hu u swela ha Davita. O vha a na vhafumakadzi vha mađana mađanu, fhedzi musi a tshi vhona mufumakadzi wa Uria, vhudzuloni ha u dzhia muthihi wa vhafumakadzi vhawé vha mađana mađanu, uri a mu takadze na u fusha lutamo lwawe, a ḥuwa, a dzhia mufumakadzi wa muñwe munna, zwenezwo a vhulaha Uria musi a tsini na u beba. Davita ho ngo divha zwe a vha a tshi khou ita, ngani, Davita o vha

o no lugela u haṭula. Ndi ndila ine ra vha ngayo. Ri dzulela u haṭula vhañwe vhathu, fhedzi musi zwi tshi ḳa kha riñe, oo, zwo fhambana.

¹²⁵ Davita a ri, “Munna uyo u ḫo badela nga vhutshilo hawe.”

¹²⁶ Uyo muporofita wa kale, ayo mato a valeanyana. A ri, “Davita, a u nga fi!” Lavhelesani tshilidzi afho tshi tshi ya u shuma nga tshihadu. Muya wa swika kha muporofita, wa tshidza vhutshilo ha Davita. Tshilidzi, “Ngoho a u nga fi, fhedzi pfumo a li nga ḫutsheli nnḍu yau u swika li tshi kunakisa mbilu yau. Ngauri, uyo munna wa mupfumi ndi iwe.” Oo, zwo vha zwo fhambana zwenezwo, naa zwo vha zwi so ngo ralo?

¹²⁷ Zwe zwa tshidza Davita, musi khaṭhulo yawe ene muñe i tshi ri, “Munna uyo u ḫo fa! U ḫo badela nga maanda, nahone u ḫo zwi badela nga vhutshilo hawe”?

¹²⁸ Huno muporofita a ri, “Ngoho (tshilidzi) a u nga fi. A u nga fi, Davita. Tshilidzi tsho u tshidza.” Ho vha hu tshilidzi, kha Davita, tshe tsha mu tshidza. Oo, nñe-nñe!

¹²⁹ Arali hu so ngo vha tshilidzi, ndi musi rothe ri gai? Naa izwo ndi zwone? Zwo tou ralo.

¹³⁰ Tshilidzi tshihulu tshi bva kha Ene muhulu. Tshilidzi tshihulu u bva kha Ene muhulu. Tshihulu, tshi nga ita mini? Tshihulu tshi nga ita tshini na tshini tshine tsha ḫoda u ita. Thetshelesani hezwi zwino. Tshilidzi tshihulu tshi nga ḫetshedzwa nga Uyo a re Muhulu fhedzi. Huno Mudzimu ndi Muhulu, ngauralo A nga ḫetshedza tshilidzi tshihulu. Ngauralo u vha Muhulu, tshilidzi a tshi tei u vhudzisa muthu, a tshi tei u ralo. Tshi ita zwine tsha ḫoda u ita. Naa izwo a si zwa vhudi? A tshi tei u vhudzisa, “Ndi nga ita izwi? Kana, ndi ite izwi? Ndi nga ralo? Ndi ralo? Ndi do ralo?” A tshi zwi iti. Tshi ita tshone tshiñe. Tshilidzi ndi Tshihulu, ngauralo A nga tshidza wa vhuvhi vhunzhi, A nga tshidza a sa lavhelesei na luthihi, A nga tshidza a so ngo kunaho nga maanda, A nga tshidza wa kutshilele ku si kone kwo hulesaho, A nga fhodza a lwalesaho. Haleļuya!

¹³¹ A nga tshidza muvhia ngaho nñe. Huno O ralo. Ndi mini? Tshilidzi! William Branham, murwa wa tshidakwa. Hezwo a zwi disi phambano, tshilidzi tsha Mudzimu tsho ntshidza!

¹³² “Nñe, ndi ḫwananyana wa musadzi we a vha a so ngo luga.” A zwi disi phambano, tshilidzi tsha Mudzimu tsho ni tshidza. Ndi Tshihulu, a tshi tei u vhudzisa muthu tshithu. Amen! Ndo takala nga izwo. Haleļuya!

¹³³ Tshi nga dzhia muitazwivhi muhulu huno tsha mu ita uri a tshene sa mahāda, a tshi tei u vhudzisa muñwe muthu ngazwo. Oo, Tshi nga zwi ita ngauri Tsho Hula. Thetshelesani, nga u ḫavhanya zwino.

¹³⁴ Izwo zwo sumbedzisa wa tshifhambano, musi hu na mbava khulu, o vha o fanelwa nga u fa. Mudzimu o vha a sa athu u ḫa

muhumbuloni wawe. O vha a sa athu u elekanya Ngazwo. Afho kha tshifhambano musi, nga idzo meme dzi phophaho malofha, vhukati ha u gomela heneffo ha bvelela muungo, "Murena, nkhathutshele!"

¹³⁵ Huno ha bvelela Muñwe murahu nga kha Malofha, miñodzi, vhuñungu, tshilidzi tsha bvelela nahone tsha ri, "Namusi u ñ do vha u na Nñe Pharadisoni." Tshilidzi tsho ita izwo. Iyo mbava yo vha i tshi nga ñithusa hani? U fana na Adamu o vha a nga si kone u ñithusa, u fana na Efa o vha a nga si kone u ñithusa, u fana na inwi ni nga si kone u ñithusa, u fana na nñe ndi nga si kone u ñithusa, a ri na zwine ra nga kona u kanda Ndila Tshena ya Mafhi kha ñayo dza mabutsu ashu. Ri nga si zwi ite. Fhedzi tshilidzi tsha Mudzimu tshi a kona u ita tshinwe tshithu ngazwo, nahone tshi a ralo! Tshilidzi tsha Mudzimu, vhuhulu ha tshilidzi tsha Mudzimu, tsho ña kha iyo mbava i faho, "Namusi u ñ do vha u na Nñe Pharadisoni." Oo, elekanyani ngazwo! Hezwo ndi zwa vhudi.

¹³⁶ Elekanyani ngazwo: Lufuno na tshilidzi ndi khaladzi na khaladzi, malwelavanda a khaladzi na khaladzi. Ni nga si vhe na tshilidzi ni si na lufuno. Ndi malwelavanda a khaladzi na khaladzi. Ndi zwone kokotolo. Phanda ha musi ni tshi nga vha na tshilidzi, ni tea u vha na lufuno. Phanda ha musi ni tshi nga itela muñwe muthu zwithu zwa vhudi, ni a vha funa; tshi re tshone kana tsho khakheyaho, ni tea u vha ni tshi vha funa, zwo ñiralo, kana ni nga si ralo. Ni a vhona? Ngauralo lufuno na tshilidzi ndi tshithu tshithihi. Zwi tou vha malwelavanda a khaladzi na khaladzi, ndi zwenezwo, lufuno na tshilidzi. Vho, ro ralo... Ri nga si vhona tshinwe hu si na tshinwe. "Mudzimu o funa shango zwingafhangafha, a ñetshedza Murwa Wawe mubebwa a eþhe," O shulula tshilidzi Tshawe, huno a tshi ñisa mbiluni dzashu nga Muya Mukhethwa. Ni a vhona? A hu na tshithu tshine ni nga ita hu si na u shumisana. Tshilidzi, tshilidzi tsha Mudzimu ndi tshone tshi ri tshidzaho.

¹³⁷ Zwino ri wanulusa, uri tshilidzi, afho sa iyo mbava i faho, ngazwo zwo ñutuwedza vharendi musi vha tshi zwi vhona. Muñwe murendi o ri:

Ila mbava i faho yo takalela u vhona
Tshiña tshisima nga ñuvha layo;
Heneffo ndi vhe vho, na ño ndi muvhi sa ene,
Tanzwa zwivhi zwanga zwoþhe zwi bve.

U bva zwenezwo nga lutendo ndo vhona
zwidambo
Zwi thusedzwaho nga zwilonda zwau zwi
elelaho,
Lufuno lwa thengululo lwo vha luambo
lwanga,
Nahone lu ñ do ralo u swika ndi tshi fa.

Zwenezwo kha lwo dzikaho, luimbo lu takadzaho,
 Ndi do imba maanda Au a u tshidza,
 Musi idzi dzi ḋuṇunaho dzi ṭungufhadzaho,
 ndimi dzi vhevheṭelaho
 Dzi tshi dzika dzo edela vhiḍani.

Tshilidzi, tshilidzi tshi mangadzaho! Haleluya! Muñwe o lu ḋwala:

Oo, lufuno lwa Mudzimu, ndi luhulu na u naka hani!
 A lu kalei na u kwaṭha hani!
 Lu do kondelela u ya nga hu sa fheli,
 Luimbo lwa vhakhethwa na vharunuwa.
 Arali riñe ra dadza lwanzhe nga ennge,
 Huno ro itwa nga daba la mukumba;
 Nahone tsinde linwe na linwe la lifhasi la dzinginea,
 Muthu muñwe na muñwe a vha muñwali nga makwевho;
 U ḋwala lufuno lwa Mudzimu ngei n̄ha
 A nga omisa lwanzhe lwa oma;
 Kana tshikirolo tshi nga hwala zwoṭhe,
 Naho lwa ṭharamudziwa u bva kha lutombo u ya kha lutombo.

¹³⁸ Zwo tou ralo, tshilidzi, tshilidzi tsha Mudzimu. Tshilidzi tsha Mudzimu tsho bveledza murunzi . . . Mudzimu o disa tshilidzi matshiloni ashu nga lufuno Lwawe kha riñe. Khezwi zwine tshilidzi a tshi koni u ita; tshilidzi a tshi rengiwi, tshilidzi a tshi rengisiwi. Ndi tshilidzi! Ndi tsha Uyo muhulu. Ee, muñe wang'a. Ni nga si ite tshithu u itela u tshi wana. Ni nga ri, "Mudzimu, ndi do ita *tshikene na tshikene* arali Wa nga ita *tshikene na tshikene*." Izwo ni nga si zwi ite. Mudzimu a nga si zwi ite. Ni nga si bvise tshithu kha Mudzimu. Mudzimu u ni ḋeya tshone nga tshilidzi Tshawe. Oo, oo, oo, mñe-mñe!

¹³⁹ "A si uyo ane a funa kana uyo ane a gidima, fhedzi Mudzimu ane a sumbedza khathutshelo." Ndi zwone.

¹⁴⁰ Vhatu vha edela nga zwifhatuwo zwavho. Huno vhañwe vhanna vha da kha nñe . . . Ndi a tenda ndo vhona muñwe wa vhatukana murahu hafha tshifhaṭoni ḋamusi. Mutukana wa Methodisi o dzhena, nahone a ṭanganedza Muya Mukhethwa, u bva n̄ha ngei . . . Huno avho vhatukana vha da kha nñe, vha ri, "Zwino, Mukomana Branham, ngauri zwino ro tshidzwa nahone ro ṭanganedza Muya Mukhethwa, naa ri tea u ḫoda mpho?"

Nda ri, "Ni so ngo zwi ita. Ni so ngo zwi ita."

¹⁴¹ Mudzimu u ḋeya mpho Dzawe nga vhuphara. Mpho na mbidzo a zwi na ū shanduka. Tshithu tsha u tou thoma tshine

na tea u ḥivha, ni ya u ṭoda tshiňwe tshithu, “Mudzimu, Wo nnyita mureri, Itau ita *hezwi* kha nne,” huno ni khou ya u vha mini? Muthu a itaho tshithu a na ndavhelelo ya u huliswa, ndi zwenezwo. Ni do ya kha theolodzhi dza vhaňwe vhanna na maňwe madzangano, huno heneffho ni do di tshetshekanyela fhasi na sina. Litshani Mudzimu a vhe ene ane a vhidza. Mudzimu u do ni vhidza, Mudzimu u do ni khethefhadza, Mudzimu u do ni fha zwine A tea u ni fha. Ee, muňe wanga.

¹⁴² Ni nga si ite tshiňwe tshithu u itela u wana tshilidzi. Hai, muňe wanga. Inwi, a tshi rengiswi, a tshi itelwi tshiňwe tshithu uri tshi wanale, nahone a tshi rengiswi, a tshi vhambadziwi. Ni nga si ri, “Zwo luga, zwino, Murena, ndi do ya nda vha murado wa hetshi tshivhidzo tshihulu tsha Baphuthisi, kana hetshi tshivhidzo tshihulu tsha Pentekostała, kana hetshi tshivhidzo tshihulu tsha Nazarene. Ndi do ita *hezwi* arali Wa ita *hezwi* kha nne.” A tshi itelwi tshiňwe tshithu uri tshi wanale. Hai, muňe wanga.

¹⁴³ “Vhothe vhe Khotsi a Mpha vha do da kha Nne. A hu na muthu o ḥaho nga nnđa ha musi Khotsi Anga vho mu vhidza.”

¹⁴⁴ No tou vha murado wa tshivhidzo wa itshe tshivhidzo tshihulu, ndi zwenezwo fhedzi, a ni nga tshidziwi. Tshilidzi tshi tea u ni tshidza. Vhukoni hashu a vhu aweli, nahone vhukoni hashu vhu nga si vhe hashu—hashu... Vhukoni hashu vhune ra vha naho, ri nga si wane tshilidzi nga vhukoni hashu.

¹⁴⁵ Arali Mudzimu o nnyita mureri, hezwo a zwi sumbedzi uri tshilidzi Tshawe tsho vha na nne. Hai, hai. Ndi tshilidzi Tshawe fhedzi tsho ntshidzaho. A si ngauri ndi a rera Mafhungo madifha, ndo tshidziwa. A si ngauri ndi a amba nga dzindimi, no tshidziwa. Oo, hai. A si ngauri inwi, ngauri ni a rera. A no ngo tshidziwa ngauri ni a rera. No—a no ngo tshidziwa ngauri ni a amba nga dzindimi. A no ngo tshidziwa ngauri ni a ita tshiňwe tsha hezwo zwithu. Vhakorinta ya u Thoma 13 i sumbedza nga u ralo, “Naho nda amba nga dzindimi dza vhanna na dza Vharuňwa, naho nda pfesesa zwiphiri zweithe zwa Mudzimu (mureri), naho nda ita *hezwi* zweithe, nahone nda vha na lutendo lwa u sudzulusa dzithavha, a thi tshithu u swika lufuno lu tshi dzhena ngomu, lune lwa vha lufuno.” Lufuno ndi tshilidzi. Tshilidzi tsha Mudzimu tshire tsha ita zweithe.

¹⁴⁶ Vhaňwe vhathu, ni na vhukoni vhunga vhaňwe vha hedzi dzikhosi dza roko na rolo. Vhane vha tou ita uri ndi luňwaluňwe kha tshanga, a thi ḥivhi, zwiliwa zwanga zwa tshimuya. Ndi do ni vhudza, musi ndi tshi pfa hedzi roko na rolo dzi tshi ima nga madekwana a Mugivhela huno dza imba roko na rolo, nahone vha tshina vhusiku hothe, huno matsheloni a no tevhela vha da u livhana na vhathetshlesia na zwiňwe zwi ngaho izwo vha lingedza u sumbedza tshifhaňuwo tshikhethwa, huno vha ima heneffho phanda ha vhathu huno vha imba nyimbo, huno vha

elekanya uri vha khou ya Tađulu. Ndi nga vhidzelela madzina manzhi, fhedzi a thi tei u ralo. Heyi theiphi i khou ya hođhe-hođhe. Fhedzi nođhe ni a đivha. Mutukana hafha a si kale, kha Hollywood, ho ngo mama musidzana ngauri zwe vha zwi tshi hanedzana na “vhurereli” hawe. Zwi tshi hanedzana na “vhurereli,” hawe huno a ita zwifanyiso zwa roko na rolo na zwiňwe zwi nengisaho, na zwithu zwi ngaho—zwi ngaho izwo. Ni elekanya uri ni nga dzhia maseđa anu a furaru na itsha tshiňwe tshithu kha tshilidzi tsha Mudzimu, Yudasi? Ni nga si renge tshithu fhedzi fhethu ngei heleni yanu!

¹⁴⁷ Tshilidzi tsha Mudzimu a tshi koni u itelwa tshithu, zwe diralo na kha... tshi nga si itelwe vhukoni uri tshi wanale. Ndi tshilidzi tshihulu! “A thi na tshithu zwandani zwanga tshine nda disa, fhedzi ndi tou ńambatela kha tshifhambano Tshau.” Ndi fhedzi, ndo huvhala, ndi da ndo ralo.

Ndo tou ralo, ndi si na khumbelo na nthihi,
Fhedzi uri Malofha Au o shulutshela nne,
Na uri Iwe u nđoda ndi tshi da ha Iwe,
O Ngwana ya Mudzimu, ndi a da!

¹⁴⁸ Ndi zwenezwo fhedzi, ndi tshilidzi tsho nnđisaho. Tshilidzi tsho zwi ita. Tshilidzi tshi nga, tshiňwe tshithu tshine nda khou takalela u tshi amba, zwiňwe zwifhinga tshilidzi ndi

¹⁴⁹ Hezwi zwivhidzo zwiħulu, vha elekanya uri ni nga tsa fhasi hafho, vha elekanya uri, “Zwo luga, ro fhađ tshivhidzo tshihulu u fhira zweđhe đoroboni. Ri na vhafumakadzi na matshilisano hafha zwine zwa tonda vhashai... zwiħambaro zwa vhashayaho, nahone zwa rumelwa seli ha malwanzhe. Ri kanzwa zwishai. Ri ita *hezwi* zwithu zweđhe.”

Paulo o ri, “Ndi nga ita zwi fanaho, huno ndi si tshithu.”

¹⁵⁰ Vha ri, “Zwo luga, ri, ri dzangano la kale. Ro no fhedza miñwaha ya zwigidi zwivħili ri fhano. Ri na miñwaha ya madana mađanu. John Wesley, Alexander Campbell, na havha vhatumbuli vhahulu murahu hafho, vho tumbula tshivhidzo tshashu. Haleļuya!”

¹⁵¹ Zwo luga, Yesu Kristo o tumbula tshino Tshivhidzo, ndovhedzo ya Muya Mukhethwa, huno a vha vhudza uri vha ye nħha kha Pentekoste huno vha lindele u swika vha tshi ḥanganedza Maanda a bvaho Nħha.

¹⁵² Huno ni nga wela fhasi ha tshivhidzo tsha Pentekostaļa na xela. Tshivhidzo tsha Pentekostaļa a si tshiňwe tshithu tsha khwiñe u fhira tshiňwe tshivhidzo. Ndi zwone.

¹⁵³ Mafhungo ndi u ri, hu na Tshivhidzo tshithihi fhedzi, hetħo ndi Tshivhidzo tshine na bebelwa khatħo nga ndovhedzo ya Muya Mukhethwa, “Ngauri nga Muya muthihi rođhe ro lovħedzelwa kha Muvħili muthihi,” Vħakorinta ya u Thoma

12:13, ndi zwone, ya u Thoma—Vhakorinta ya u Thoma 12. Zwino, ro lovhedzelwa kha itsho Tshivhidzo.

¹⁵⁴ Fhedzi vhathu vha elekanya uri vha nga zwi badela. “Nga mini, riñe, ndo—ndo ya tshikoloni huno nda guda u ita *hezwi*, nahone nda ya kha seminari huno nda ita...” Hezwo a zwi ambi tshithu. Ni nga si renge tshilidzi tsha Mudzimu.

¹⁵⁵ Tshilidzi tsha Mudzimu tshi nga hezwi. I ri ni ndi ni vhudze tshiñori, kha u vala. Tshilidzi tsha Mudzimu tshi nga hezwi. Tshiñwe tshifhinga ho vha hu na khosi ya maanda, huno heyi khosi ya maanda yo vha i na murwa nahone o vha a murwa mubebwa a eñhe. Huno liñwe duvha muvhulai a vhulaha mutukana. Huno kha uyo muvhuso ha tshimbila vhakoni vha tshi khou zwimana na hoyo muvhulai. Vha fhedza vho wana uyo muvhulai. Huno musi vha tshi mu wana, vha mu vhuisa murahu nahone vha mu valela khotloni. Huno musi vha tshi ralo, tsengo ya itwa nahone tshigwevho tsha ñetshedzwa. Oo, zwo vha zwi zwithu zwi ofhisaho. O vhulaya murwa wa khosi, nahone o vha a tshi ñivha zwe zwa vha zwi tshi khou mu dela.

¹⁵⁶ Vha mu dzenisa dzhele ya nga ngomu, vha honela mahothi, vha vheya maganzhe khao uri hu si vhe na muthihi zwawe... vhalindi vha mona nayo, ngauri ri a ñivha uri uyu mutukana o vha a tshi khou ya u ñanganedza khañhulo i ofhisaho hani, ngauri o vhulaha murwa wa khosi, mukololo, murwa wa khosi. Vhalindi vha vheiwahothe u mona na mahothi. O vha o vheiwadzhele ya ngomu-ngomu. A bvulwa, a si na tshithu fhedzi yone—yone thavhula. Huno o vha a heneffo, o dzula heneffo kha iyo nyimele. A tshi khou fa nga ndala, vha sa mu ñei tshithu tsha u la. O vha o dzula kha iyo nyimele.

¹⁵⁷ Zwenezwo vha mu ñisa tsengoni. A wanala a na mulandu nahone a ñolwa a wanala a na mulandu. Tshigwevho tsha ñetshedzwa, tsha uri u khou vhulawa phasi ha khañhulo ya lufu, o vha a tshi khou tea u vhulawa nga zwiñku u swika vhutshilo vhu faho vhu tshi ñuwa. O gwevhiwa nga muhañuli, o vha a tshi khou tea u fa. Huno a luvhelela nahone a lila, huno a ri, “Naho ndi na mulandu, naho ndi na mulandu, ndi humbela pfarelo kha u zwi ita. Ndi tama ndi so ngo vhuya nda zwi ita. Ndi humbela pfarelo nge nda zwi ita. Nga tshikhalañyana, nga mbiti khulu, ndo zwi ita. A tho ngo ñivhudza u zwi ita nga ila ndila.”

¹⁵⁸ Liñwe duvha khosi ya tsela phasi afho fhethu, u dalela mutukana, u mu vhudza, u amba nae na u mu vhudza nga u vhulaha murwa wayo, murwa muthihi fhedzi we ya vha i nae. O vhulaha uyo mutukana. A ri, “Ndi khou tsela phasi u amba nae.”

¹⁵⁹ Huno musi a tshi tsela phasi heneffo, a lavhelesa murahu kha itsho tshitumba, vhunga phukha yo valelwaho tshitumbani. A vhona muvhili wawe musekene wo edela murahu afho khudani, a tshi khou lila. Tshifhañuwo tshawe tsho fovhela ngomu, ñhaha dzawe dzo fovhela, maño awe a murahu-rahu, mafhungo o vha a

maṭoni awe, huno mulomo wawe wo tshena; hu si na madi, a na dora. O edela nga tshifhaṭuwo tshawe, a tshi khou lila. Khosi ya ri, "Takuwa u ime." A ya khae, nahone a mu lavhelesa. A ri, "Ndi ngani wo vhulaha murwa wanga? Murwa wanga o u ita mini? O ita mini u fanelwa nga ulwo lufu musi u tshi mu vhulaha, u tshi mu ḥavha nga pfumo u swika a tshi fa?"

¹⁶⁰ A ri, "A hu na, murena wanga, a hu na na tshithihi. Ho vha hu tshi tou vha mbiti dzanga, dzo vha dici tshi tou vha ndila dzanga. Ndo mu vhulaha ngauri ndo vha ndi na vivho næ, huno nda dzhena kha mbiti huno nda mu vhulaha." A ri, "Zwino ndi khou ya u fa fhasi ha vhulamukanyi hau, muṇe wanga. Ndi a limuwa uri ndo fanelwa nga u zwi ita. Tshithu tshi tshoṭhe tshine nda khou tshi lilela, ndi uri ndi humbela pfarela kha uri ndo vhulaha uļa munna wa mukololo sa izwo, hu si na tshivhangi."

¹⁶¹ Khosi ya rembuluwa nga zwirethe zwayo nahone ya bvela nn̄da, ya ya ṭafulani, huno ya ri, "Tshinyadza rekhodo dzoṭhe!" Ni a divha, dici vheyeni kha lwanzhe lwa khangwelo. "Tshinyadza rekhodo dzoṭhe! Mu ṭanzweni, mu kunakiseni. Ndi do mu rumela nguvho."

¹⁶² Nga murahu ha tshifhinganyana, goloi ndapfu khulu ya bvelela muṇangoni. Musi i tshi ralo, nguvho ya adziwa u bva kha sele ya dzhele. Khosi ya ima magumoni a goloi ndapfu, ya ri, "Ida, murwa wanga, u ye hayani na nne ngei pfamoni," a vheya nguvho ya khosi shaḍani ḥawe. A ri, "Û bva zwino u murwa wanga."

¹⁶³ Ngauri o pfela vhuṭungu, hetsho ndi tshilidzi. Uyo o vha a nne, uyo o vha a inwi. Ro vhulaha Murwa wa Mudzimu, nga zwivhi zwashu. Ro vha ri vhatsinda, ri na tshika, ro tshikafhala, ro edela kha sele dla shango. Mudzimu a ri ṭanzwa nga Malofha a Murwa Wawe Ene muṇe, nahone a ri kunakisa, a ri ambadza nguvho ya Muya Mukhethwa. Huno zwino goloi khulu ya Mudzimu i do bvelela muṇangoni liṅwe ḫuvha, nahone ri do ya hayani u dzula Nae. Rekhodo dzoṭhe dzo tshinyadziwa, ri nga si tsha haṭulwa; o dici fhisa, O dici vheya kha lwanzhe lwa khangwelo nahone ha tsha dici elelwa. Ngazwo ri tshi nga imba!

Tshilidzi tshi mangadzaho! muungo u takadzaho,

Wo tshidzaho muvhia a nga ho nne!

Ndo vhuya nda xela, fhedzi zwino ndo wanala,
Huno ndo vha ndo pofula, fhedzi zwino ndi a vhona.

Ho vha tshilidzi tsho funzaho mbilu yanga u ofha,

Nga tshilidzi nyofho dzanga dzo vhofhololwa;
Itsho tshilidzi tsho bvelela zwa vhudi hani
Nga awara ye nda thoma u tenda!

¹⁶⁴ A si khwiṇe ni tshi litsha iyi ya vha awara yanu zwino, khonani ya muitazwivhi, musi ri tshi kotamisa thoho dzashu lwa tshikhalanyana u itela ipfi la thabelo? Litshani iyi i vhe awara ine na thoma u tenda, zwino. Dzudzanyani muhumbulo wanu, huno ni ri, “Murena Mudzimu, ndi na mulandu. Ndi limuwa uri zwi dzhia tshilidzi u tshidza nne. A thi koni u ditshidza. Ndo xela. Ndo fhela. Ndi tou vha ndi sa koni u ita tshithu. A—a—a thi koni u dithusa, a thi na fulufhelo, a thi na Mudzimu, a thi na khathutshelo, a thi na Kristo, kha shango, ndo khethelwa thungo. U nga si vhe na khathulo huno wa mbvisa kha iyi dzhele ya tshivhi ine nda vha khayo namusi, O Murena? Huno u nkhathutshele, muitazwivhi.” Ni do ralo u imisa tshanda tshaṇu, na ri, “Murena Mudzimu, ndi uyo muthu a ḥodaho tshilidzi Tshau”? Ni do ralo u imisa tshanda tshaṇu, na ri, “Nthabelele, Mukomana Branham, zwino ndi do tenda”? Mudzimu a ni fhaṭutshedze murahu hafho, murathu wanga.

¹⁶⁵ Muṇwe muthu u ri, “Mukomana Branham, nkhumbule zwino, oo, murathu, ndi a humbela ita nga u ralo, kha thabelo.” Mudzimu a ni fhaṭutshedze, mufumakadzi. “Rabela u ri...” Mudzimu a ni fhaṭutshedze, murathu. Mudzimu a ni fhaṭutshedze, khaladzi. Mudzimu a ni fhaṭutshedze, murathu, hafha fasitereni. Mudzimu a ni fhaṭutshedze, murathu, murahu afho. Mudzimu a ni fhaṭutshedze, murathu, afha, uyo muṇwe. “Nkhumbule, Mukomana Branham.” Mudzimu a fhaṭutshedze murathu wanga afho. Ee, muṇwe afha. Mudzimu a ni fhaṭutshedze, khaladzi. Mudzimu a ni fhaṭutshedze afha, murathu. U a ni vhona zwino. Zwi ambeni zwi zwavhukuma. Mudzimu a ni fhaṭutshedze, munna muṭuku. U ya vhona, ni a qivha. Mudzimu a ni fhaṭutshedze, murathu. Mudzimu a ni fhaṭutshedze, khaladzi o gogodelaho luvhondo. Mudzimu a ni fhaṭutshedze fhasi afha, murathu. Mudzimu a ni fhaṭutshedze, murathu o gogodelaho luvhondo.

Nga ndila ine nda vha ngayo, ndi si na...

Naa hu na muṇwe? Mudzimu a ni fhaṭutshedze. Ndi a vhona tshanda tshaṇu murahu afho.

Fhedzi uri Malofha Au o shulutshela nne,

Ee, Murena. Mudzimu a ni fhaṭutshedze, khaladzi.

Na uri... (Mudzimu a ni fhaṭutshedze, khaladzi)... Iwe u ḥoda ndi tshi da...
(Mudzimu a ni fhaṭutshedze, murahu-rahu afho...?)... Iwe,
Tshilidzi, tshilidzi, ndi... (Mudzimu a ni fhaṭutshedze, mufumakadzi muṭuku.)...
Ndi a da!

Ndo tou rali, nahoni ndi sa lindeli

U shavhisaya maya wanga kha dondo lithihi
litswu,

Kha Iwe, Ane Malofha au a ya kona u ḥanzwa
 dondo ḥinwe na ḥinwe,
 O Ngwana ya . . . (tshilidzi, oo, tshilidzi) ndi a
 da! ndi a da!

¹⁶⁶ Zwino, hu na zwanda zwi yelaho kha zwa fumiṭhanu kana fumbili two imelaho n̄tha. Zwino no kotamisa thoho dzañu, ndi khou ya u humbelo vhoinwi no imisaho zwanda zwañu, imani nga milenzhe yanu no dzika musi ndi tshi ḥetshedza thabelo u itela vhoinwi. A ri na lufhera n̄tha hafha lwa u itela aleṭare. Hu tou vha, ndi nga si kone. Imani nga milenzhe yanu, vhothe vho imisaho tshanda tshavho, vhane vha da u rabelelwa zwino. Imani nga milenzhe yanu zwino musi ndi tshi ḥetshedza thabelo. Itanu ima nga milenzhe yanu, hothe-hothe.

. . . o shulutshela nñe,
 Na uri . . .

Zwo luga, Mudzimu a ni fhaṭutshedze . . . ? . . .

. . . nñe ndi tshi da ha Iwe,
 O Ngwana ya Mudzimu, ndi a da!

¹⁶⁷ Elelwani, hu nga vha na ḫuvha ḫine tshilidzi a tshi tsha do dzula, a tshi tsha do dzula kha inwi, zwi do vha two no lenga. Zwino a zwi athu u lenga.

¹⁶⁸ O Mudzimu, Khotsi a Murena washu Yesu Kristo, We a dovha hafhu a bvisa Mutshidzi washu vhafuni, zwino u ya tshila, Ene Ane a vha muhulu ngei Vhugalani, a tshi rumela Muya Mukhethwa wa Kristo kha riñe, u disa u kwameya ha muitazwivhi. Mudzimu, ndi rabelela avha vhathu vho imaho nga milenzhe yavho. Ndi ngaho, Murena. Wo ri, "Uyo ane a do N̄tanziela phanda ha vhathu, Ndi do mu ḫanziela phanda ha Khotsi Anga na Vharuñwa vhakhethwa." Ri a zwi ḫivha, musi ri tshi ima nga ayo matsheloni mahulu a khatlulo, tshi do vha tshifhinga tsha hani ngoho. Vho ima zwino, Murena, uri zwivhi zwavho zwi ye phanda havho; zwivhi zwa vhañwe vhathu zwi a tevhela. Havha vhathu vho ima fhano ano matsheloni ngauri vha khou dibula zwivhi zwavho, vha tshi zwi ḫivha uri vho ita two khakheyaho nahone vha khou ḫoda Iwe sa Mutshidzi wavho. U ḫola mivhuso ya dzimbiyu, nahone U ḫivha zweithe ngavho.

¹⁶⁹ Ndi a rabela, Khotsi, uri U tendele khumbelo dzavho. Vha tshidze. Vha tou vha zwiphuga zwa Mulaedza mutuku ano matsheloni, wa tshilidzi tsha Mudzimu; hu si na ndavha zwine ra ita, wo tevhela nahone wa ri dzhia. Zwi tendele, Murena. Ḫetshedza tshilidzi kha idzi mbilu. Ngavhe vha tshi dzulela u v̄hona Yesu sa Mutshidzi wavho. Vho sumbedzisa nyito. Muya Mukhethwa wo vha vhudza uri vha ime, huno vha ralo. Muya Mukhethwa u vha vhudzaho u ima. Huno vha ralo, nga u ḫonifha uyo Muya, vho ima.

¹⁷⁰ Zwino, Murena, U vhulunga Ipfi Lau. Wo ri, "A hu na muthu aña a nga da ha Nñe nga nn̄da ha musi Khotsi Anga vho ranga

u mu kokodza. Huno vhothe vhe Khotsi a Nneya, vha do da ha Nne. Uyo ane a do da kha Nne, A thi nga mu pandeli. Uyo ane a pfa Maipfi Anga nahone a tenda kha Uyo o Nthumaho, u na Vhutshilo vhu sa fheli, nahone ha nga di kha khatlulo fhedzi o fhira u bva lufuni u ya kha Vhutshilo." Zwo ralo, Murena, nga nwambo wa aya Manwalo, ayo ndi Maipfi Au Iwe munę, Murena, ane ra vhala kha Yohane Mukhethwa 5: 24, "Uyo ane a do pfa Maipfi Anga nahone a tenda kha Uyo o Nthumaho, u na!" Nga mini? Ngauri o tenda, tshilidzi tsho mu dalela. "O da Vhutshiloni vhu sa fheli, nahone ha nga di kha khatlulo (u do rangela khatlulo), ha nga di kha khatlulo fhedzi o fhira u bva lufuni u ya kha Vhutshilo." O Mudzimu, ri U livhuwa hani nga izwi!

¹⁷¹ Ri rabela zwino uri U tsireledze kha uvhu vhutshilo. Ngavhe vha tshi ralo, muñwe na muñwe wavho, u lovhedzwa, vha tshi vhidzelela kha Dzina ḥa Murena, u ḥanzwe zwivhi zwavho. Zwi tendele, Murena.

¹⁷² Zwino ndi vha qisa ha Iwe, sa mulanda Wau, ndi tshi tenda uri Mururiwa muhulu wa Mudzimu O bvelelaho fhasi afho. Huno, Khotsi, U divha tshiṭori tshoṭhe, na Muruṇwa muhulu o bvelelaho afho nga matsheloni a Lavhuṭanu, hu musi mapfuvhi o tshena, huno a amba haya Maipfi, kha tshivhumbeo tsha misengavhadzimu miraru i tshi bva n̄tha kha ḥodzi ya thavha. Murena Mudzimu, litsha ulara Mudzimu We a bvelela kha nne afho kha misengavhadzimu, Mu tendele a tshidze avha vhatħu, nga tshilidzi Tshawe, zwino. Ndi vha kumedza kha Iwe, kha ndavhelelo dza uri U do tevhedza Ipfi Lau, nahone U do ralo, huno ndi do tangana navħo nga ilo duvha liħulu, vha si na dondo kana tshilavhi muyani wavho. Zwi tendele. Nga Dzina ḥa Yesu, ndi vha netshedza ha Iwe. Amen.

¹⁷³ Mudzimu a ni fhaṭutshedze. Zwino musi ni tshi khou dzula fhasi, nnyi na nnyi ane a khou dzula tsini na avho vhatħu vha re Vhakriste, vha khadeni. Ni vha vhudze, ni vha rambele tshivhidzoni, na zwiñwe zwinzhi, uri vha kone u ralo . . . Oo, naa Ho ngo lugha?

Tshilidzi tshi mangadzaho! muungo u
takadzaho hani,
Wo tshidzaho muvhi a nga ho nne!
Ndo vhuya nda xela, fhedzi zwino ndo wanala,
Ndo vha ndi bofu, fhedzi zwino ndi a vhona.

Ho vha tshilidzi tsho funzaho mbilu yanga u sa
ofha,
Huno nga tshilidzi nyofho dzanga dza
vhofhololwa;
Ndi zwavħudi hani itsho tshilidzi tsho bvelela
Nga awara ye nda thoma u tenda!

No tenda naa? Arali no ralo, imisani tshanda tshañu.

Oo, Yesu ndi mu funa hani,
 Oo, Yesu ndi mu funa hani,
 Oo, Yesu ndi mu funa hani,
 Ngauri O ranga u mpfuna.

Musi ro vha heneffho lwa miñwaha zwa zwigidi
 zwa fumi,
 U penya a tshi penya sa ḫuvha;
 A ri na mađuvha a si gathi a u imba thendo dza
 Mudzimu (ndi livhuwa Mudzimu!)
 U fhira musi ri tshi thoma.

¹⁷⁴ Ni a Mu funa? Zwino, naa A si wa vhudi? Zwino . . .

Musi . . .

Musi ri tshi imba izwo hafhu, ndi khou ṭoda ni tshi
 khađana na muniwe tsini hanu, no dzika i ri ni, “Mudzimu a
 ni fhađutshedze, mutsinda.” Zwa vhudi nahone nga vhukhethwa
 zwino.

Musi ro . . . [Mukomana Branham na tshivhidzo
 vha a khađana—Mudz.] . . . ? . . . thendo dza
 Mudzimu
 U fhira musi ri tshi thoma.

Tshifhambanoni, tshifhambanoni he nda
 thoma u vhona Tshedza,
 Huno mađupho a mbilu yanga a phiguluwa,
 Ho vha heneffho nga lutendo he nda ṭanganedza
 u vhona hanga,
 Huno zwino ndo takala ḫuvha lođhe!

Oo, tshifhambanoni, tshifhambanoni he nda
 thoma u vhona Tshedza,
 Huno mađupho a mbilu yanga a phiguluwa,
 Ho vha heneffho nga lutendo he nda thoma u
 ṭanganedza u vhona hanga,
 Huno zwino ndo takala ḫuvha lođhe!

Naa a ni ngo takala?

Ndo takala nga maanda ngauri Yesu a
 mmbofholola,
 Ndo takala nga maanda ngauri Yesu a
 mmbofholola,
 Oo, ndo takala nga maanda ngauri Yesu a
 mmbofholola,
 Ndi tshi imbelela, vhugala, Haleluya, Yesu o
 mmbofholola.

Oo, ndo takala nga maanda ngauri Yesu a
 mmbofholola,
 Oo, ndo takala nga maanda ngauri Yesu a
 mmbofholola,

Oo, ndo takala nga maanda ngauri Yesu a
mmbofholola,
Ndi tshi imbelela, vhugala, Hałeļuya, Yesu o
mmbofholola.

¹⁷⁵ Naa a ni Mu funi? Naa Ha wa vhudi? Oo, ndi elekanya uri Ndi wa vhudi. Zwino, itanu elekanya, uri Bivhili ndi Ngoho Yawe, nahone heyi Bivhili i funza uri Ha shanduki mulovha, namusi, na lini na lini. Ndi khou ṭoda u ni vhudzisa tshinwe tshithu. Arali A sa shanduki mulovha, namusi, na lini na lini... Mudzimu nkhangwele nga u amba ipfi likhethwa nga u ralo, “arali,” fhedzi Ha shanduki. Fhedzi arali A sa shanduki, ndi do zwi vheya nga u ralo, zwenezwo U do vha a tshi tou vha Muthu-de? U do vha nga ndila nthihi sa zwe A vha a zwone.

¹⁷⁶ Zwino, hu nga tou vha na tshithu tshithihi tsho fhambanaho Khae kha u vha fhano ano matsheloni u fhira zwe A vha a zwone vhukati ha vhathu ngei Galileya, hetsho hu do vha muvhili Wawe Ene mune wa ńama, muvhili Wawe wa ńama; ngauri uyo wo vuswa (ni a tenda izwo?), o dzula kha tshanda tshaula tsha Muhulwane ngei N̄tha, u khou tshila u itela u rabelela zwine ra bula. Elelwani, A nga si ri itele tshithu u swikela ri tshi thoma u Mu ḥanganedza na u Mu tenda uri o ralo, na u ri O ralo, ngauri ndi Ene Tshifhe Muhulu ane a nga... Ndi Ene Tshifhe Muhulu u khou rabelela zwine ra bula.

¹⁷⁷ Zwino vhunzhi ha vhoiñwi vhavhali vha Bivhili ni ri Ayo ndi maamba “u ambulula.” Huno u *ambulula* na u *bula* ndi ipfi lithihi. Ni a vhona? “O ita Tshifhe Muhulu,” kha Bugu ya Vhahevheru, ndima ya 3, “zwino u khou rabelela u dibula hashu.” Zwenezwo A nga si ite tshithu u swika ri tshi ranga u bula uri O zwi ita. Ni a vhona, ni gwadama fhasi hafha kha aleṭare na rabela vhusiku hothe, a zwi nga ni thusi tshithu u swika ni tshi tenda uri O ni hangwela, zwenezwo na ima. Zwenezwo nga lonolwo lutendo lune na vha nalwo, ndi henefho hune na... No tshila nga iñwe ndila fhasi *hafha* kha matope a tshivhi. Zwino, vhoiñwi vhashandukwa vhaswa, zwino ni tenda uri no tshidzwa, a ni ralo? Zwenezwo ni takuwa na ima *hafha*, ni takuwa na ya n̄thanyana. Ndi mini tshi no ita izwo? Lutendo lwaṇu, ngauri ni tenda uri ni Mukriste zwino, ni do tshila n̄tha ha izwo zwithu zwino. Ni a vhona? Zwino arali ni tshi khou ṭoda u takuwa na ya n̄thanyana, ni tou tea u vha na lutendo l̄unzhinyana, ngauri a lu gumi, lu sokou ya phanda.

¹⁷⁸ Zwo luga, oo, zwi sa konadzei zwi nga itwa zwa vha zwavhukuma. Zwithu zwothe zwi a konadzeya kha avho vhane vha tenda. Ndi zwone. “Arali na nga amba na iyi thavha, ‘sudzuluwa,’ huno ni sa timatime mbiluni yaṇu, fhedzi na tenda uri zwine na amba zwi do bvelela, ni nga wana zwine na amba.”

Zwino Yesu Kristo u dzula kha vhathu.

¹⁷⁹ Liňwe ḫuvha Kristo o vha a kha Khavhu ya Mulilo, Iyo ye na i vhona i tshi dzhiwi, ri a tenda uri Yo vha i Yehova Mudzimu. Hezwo ndi zwone zve Muruňwa a vha a tshi khou lingedza u ri disela zwone. Zwino, O vha a kha vhuimo ha u vha Khotsi, O vha a Khotsi wa Isiraele, lushaka.

¹⁸⁰ Zwenezwo A ḫa a dzula vhukati ha vhatu Vhawe, sa Kristo, Murwa. Naa ndi zwone? Kristo o vha a Murwa wa Mudzimu.

¹⁸¹ Zwino ndi Ene Kristo, Muya Mukhethwa, une wa vha Ndodzo. Kristo zwi amba “muđodzwa,” nahone Ene muđodzwa kha vhatu, Kristo o vha a na riňe, Muya Mukhethwa. Ndi Kristo a na riňe, ngomu hashu. Ni a tenda izwo? Fhumulani lwa tshikhalañana, no dzika. Zwino naa Ha athu u shanduka?

¹⁸² Ndi a tenda murahunyana ndo ḫanganedza luťingo, huno lwa ri vhatu vho vha vha tshi khou gobagobela zwidulo na zwiňwe fhasi hafha. Ri do amba nga izwo kha inwe tshumelo ya tshivhidzo. Ndo vhudza Billy zwenezwo, arali vho vha vha tshi khou ya u rabelela vhalwadze, arali ho vha hu na avho vhanzhi fhasi afho, uri vha vha ḫetshedze garaća dla thabelo. O ri u do ralo. Ndi a kholwa o ralo.

¹⁸³ Ngauri miňwedzi mivhili kana miraru yo fhelaho, u bva kha nyito ya tshiňwe tshithu tsho iteaho, vhushumeli ho swika fhethu hune ha bva nnđa ha tshanda zwičuku. Vho vha vha tshi vhona vhučalukanyi na zwoňe, uri wo vha u tshi amba hani nahone wa vhudza vhatu, kokotolo sa zve Murena washu a ita musi A fhano kha liphasi. Vhoinwi noňe no zwi vhona, ndi a kholwa. Ndi vhangana ngomu afha vha sa athu u zwi vhona kana vha sa athu u zwi vhona zwi tshiitea? Kha ri vhone zwanda zwaňu, vha sa athu u zwi vhonaho. Oo! Vha sa athu u zwi vhona zwi tshi shuma. Zwo luga, hu na tshigwada ngomu hafha tshi sa athu u zwi vhona, ndi a kholwa uri ndi vhatsinda. A ri qivhi hune vhatu vha bva hone.

¹⁸⁴ Ino ndi theberenakele i si ya dinomineisheni. A ri lwi na dinomineisheni, fhedzi ro ralo—a ri vhavho naho zwo ralo. Ri tou vha litsha vha tshimbila nga ndila yavho. Ri tenda kha u dzhia vhatu... Arali vha tshi khou ḫoda u humela murahu kha dinomineisheni, zwo luga, tenda fhedzi vha tshila vhutshilo ha Mukriste. Ri tou—ri tou vha tshiňtshi tsha u tshidza muya hafha. Ndi zwine vhushumeli hanga ha vha zwone khavho.

¹⁸⁵ Zwino, fhedzi ndi a tenda uri Bivhili i ya funza, kha Vhahevheru 13:8, uri Yesu Kristo ha shanduki mulovha, ñamusi, na lini na lini. Ni a tenda izwo? [Tshivhidzo tshi ri, “Amen.”—Mudz.] Zwo luga, arali A sa shanduki... Zwino musi noňe ni tshi dzula nga vhudziki lwa minitinyana, ndi khou ḫoda u amba na vhoiñwi zwi tshi bva mbiluni yanga, huno zwenezwo ri do vha na tshumelo ya phodzo. Ndi khou ḫoda u ni vhudzisa tshiňwe tshithu. Arali A sa shanduki mulovha, ñamusi, na lini na lini, zwenezwo O ralo hani... Ndila i yoňe ine O kona u vha

vhudza ngayo, arali A Muya, U do ita nga ndila nthihi ye A ita ngayo mulovha. Naa izwo ndi zwone? U do ita nga ndila nthihi ye A ita ngayo mulovha. O zwi ita hani mulovha?

¹⁸⁶ O vha o fhambana na vhañwe vhathu? U tou vha muthu zwawe, o vha a tshi vhonala sa muthu. O vha a muthu. O bebwa, O vha a muthu. O vha a nama na Malofha. O tambula, O gomela, O fhira kha milingo. O vha a muthu. Ndi zwone, a zwo ngo ralo?

¹⁸⁷ Fhedzi ndi tshini tsho Mu itaho Mudzimu? Ndi ngauri Muya wa Mudzimu wo vha u Khae. O vha a Mesia o doliswaho. Huno vho zwi ñivha hani uri O vha o ralo? Mushe o ri, "Murena Mudzimu wañu u do vusa muporofita a nga ho nn̄e. Huno zwi do vuledzea uri nnyi na nnyi a sa do pfaho hoyu Muporofita u do tumulwa vhukati ha vhathu." Zwino, O vha a muporofita. Zwenezwo Isiraele o vha a tshi khou lavhelesana na muporofita? Vho tea u ralo, arali vho vha vha tshi khou lavhelesana na Mesia. Huno Mesia u do vha muporofita.

¹⁸⁸ Zwino kha ri ambe ngazwo lwa mithethe, nga mithethe i si gathi, huno ni thetshesele nga maanda. Zwino, vheyani muhumbulo wañu kha Mudzimu, ngauri a ri ñivhi zwine Mudzimu a nga ita, a thi ñivhi uri U do mmbudza uri ndi ite mini.

¹⁸⁹ Ndi a zwi ñivha uri ri na mpho ya vhuporofita tshivhidzoni. Mukomana washu Neville, u porofita vhathu, zwine ndi zwa vhuđi. Ri livhuwa izwo. Ro sumba izwo u bva tsha kale na kale. Ri na vhañwe hafha vhane vha amba nga dzindimi. A ri tendi uri vhathu vha tea u amba nga dzindimi uri vha vhe na Muya Mukhethwa. A hu na Lunwalo lwa zwithu zwo raloho. Fhedzi ri tenda uri hu na mpho ya Muya Mukhethwa ine ya amba nga dzindimi, ri nayo tshivhidzoni tshashu. Fhedzi ri dzi ita . . . A ri sokou ya ri tshi tshakanyela. Ri tenda uri Ndi Ipfi la Mudzimu. Ri amba musi Muya Mukhethwa u tshi amba, huno ri tendela izwo zwi tshi da luraru. Huno zwi tea u ralo . . . zwi nga si itee musi ndi tshi khou rera kana nga dzunzanyo yone, ngauri muya wa vhaporofita u pfa vhaporofita. Ni a vhona? Zwi tea u itea kha ngoho ya Bivhili. A hu na ane a nga amba uri a hu na tshithu tsho raloho sa mpho ya Muya Mukhethwa na u amba nga dzindimi. Izwo ri a zwi ñivha. Bivhili i ya zwi funza, nahone ri tenda kha zwenezwo. Huno ri livhuwa Mudzimu ngauri ri nazwo tshivhidzoni tshashu hafha! Ri na mpho dza u porofita, idzo dzi tea u rangwa nga u lingiwa huno ra vhona arali dzi dzone kana dzi so ngo ralo, huno zwenezwo mpho ya tshiporofito.

¹⁹⁰ Zwenezwo hu na muporofita. Zwino, hezwo, zwino ni de ofisini.

¹⁹¹ Idzo mpho, idzo dzo ralo, u amba nga dzindimi, na u ḥalutshedza dzindimi, na ndivho, na vhuṭali, na vhuṭalukanyi, na zwiñwe zwinzhi. Idzo ndi mpho dzothé.

¹⁹² Fhedzi-ha hu na ofisi ḥanu. Ya u thoma ndi vhaapostola, vhaporofita, vhadededzi, vhaevangeli, na vhafunzi. Idzo ndi ofisi

dzo tiwaho nga Mudzimu. Vhanna vha a dzi fara, ni a vhona. A vho ngo ralo, zwi nga si ralo... Ni nga si vha tamele, ni nga si vha rabelele; dzo ḥeīwa zwi khagala, ni tou bebwa.

¹⁹³ Muporofita a si muporofita arali muñwe muthu a mu vheya zwanda huno a mu ita muporofita. Muporofita u bebwa u bva mbumbeloni ya mme awe, a muporofita, ni a vhona, ngauralo u dzula a muporofita. Ni a vhona?

¹⁹⁴ Mudzimu o vhudza Yeremia, a ri, “Phanda ha musi u tshi bebiwa mbumbeloni ya mme au,” a ri, “Ndó u divha nahone nda u khethefhadza huno nda u ta uri u vhe muporofita kha dzitshaka.” Ndi zwone. Ni a vhona? Mushe, phanda ha musi a tshi bebiwa, o vha a ñwana o lugelaho. O vha a muporofita wa Murena. Na vhañwe vhothe vho bvelelaho. Kristo o vha a Murwa wa Mudzimu, u bva tsimuni ya Edeni. Ndi zwone. Ni a vhona, mpho na mbidzo a zwi na u shanduka.

¹⁹⁵ Fhedzi mpho dzo ḥetshedzwa Muvhili. Zwino ri limuwa izwo, ri limuwa hedzi mpho dzothe.

¹⁹⁶ Zwino kha ri vhone zwe Yesu a vha a zwone vhukati hashu, kha ri vhone zwe A vha a zwone murahu afho. Ri wanulusa uri musi A tshi thoma vhushumeli Hawe... Zwino, thetshelesani nga maanqa, vhatssinda. Musi A tshi thoma vhushumeli Hawe, kha Yohane Mukhethwa, ndima ya 1, ri wanulusa uri nga murahu ha musi O no lovhedzwa, nga murahu ha musi A tshi bva... O bebiwa nahone a vha na miñwaha ya furaru, O lovhedziwa nga Yohane. Muya Mukhethwa wo tsela fhasi kha tshivhumbeo tsha liivha huno wa tsela Khae, huno Ipfi la bva nahone la ri, “Hoyu ndi Murwa mufuñwa Wanga ane Khae...” Tshigerika tsha vhukuma tshi ri, “Ane Khae Ndi takalela u dzula ngomu.” La ri, “Ane Khae Ndi takalela u dzula, ane Khae—ane Khae Ndi takalela u dzula.” Fhedzi, ni a vhona, hezwo two ungela murahunyana kha riñe, na liiti murahu sa liqadzisi, fhedzi zwavhukuma-kuma ndi, “Khae Ndi takalela u dzula ngomu.” Ngauri, Kristo, Mudzimu o vha a kha Kristo, a tshi pfumelela shango murahu kha Ene muñe. Izwo ri a zwi divha.

¹⁹⁷ Zwino, nga u tou ṭavhanya A ya sogani lwa mađuvha a fuiña, a lingwa nga diabolo. Zwenezwo A bvelela na vhushumeli Hawe, a thoma u rabelela vhalwadze.

¹⁹⁸ Ho no fhela tshifhinganyana, ha bvelela munna nga dzina la Simoni Petro, murei wa khovhe wa kale, a so ngo funzeaho, a sa koni na u ñwala dzina lawe. Andrea o mu vhudza nga hoyu Muthu ane a tenda uri ndi Mesia. “Maloto!”

¹⁹⁹ A da Khae. Huno musi a tshi tou sendela tsini Vhuhoneni ha Yesu, Yesu a ri, “Dzina lau ndi Simoni, nahone u murwa wa Yona.” A zwi divha uri tshiñwe tshithu tsho itea. O zwi divha uri uyo o vha a Murwa wa Mudzimu. Huno zwa Mu takadza u mu ḥeyya khiyi dla Muvhuso, a mu ita ḥohoho ya tshivhidzo.

²⁰⁰ Ho vha hu na muñwe o ima heneffo, nga dzina la Filipi. Filipi o zwi vhona, huno a elekanya, “Zwo naka! Ndi a divha muñwe muthu a re mutshudeni wa Bivhili, u dzula maela dza fumiñhanu seli ha thavha. Ndi do gidima huno nda mu vhudza. Dzina lawe ndi Nathaniele.”

²⁰¹ A gidimela heneffo nga u t̄avhanya nga lenelo ñuvha. Matsheloni o no tevhela a swika heneffo, khañwe kha u tsha ha ñuvha. A gidimela nt̄ha nahone a khokhonya muñangoni. Huno Vhomme- Nathaniele vha ri, ‘Zwo luga, u nn̄da tsimuni hafho, Filipi.’ Khonani yawe, a ya nn̄da heneffo, huno o vha a magonani awe, a tshi khou rabela. Musi a tshi tou takuwa magonani awe, Filipi a ri, “Ida, u vhone We nda mu wana! Yesu wa Nazareta, murwa wa Yosefa.”

²⁰² Zwino hoyu wa vhurereli, mudivhaleya muhulu a ri, “Hu nga vha na tshithu tshavhudí tshi bvaho Nazaretha?” O mu topolela zwithu zwavhudí, zwithu zwo nakaho, a ri, “U so ngo dzula hayani wa zwi sasaladza, u so ngo tshimbila u tshi amba ngazwo. Itau da, u ñivhonele. Ida, u vhone! Itau da, u vhone arali tshithu tshavhudí tshi nga bva Nazareta.”

²⁰³ “U amba uri Mesia? Ngani, Mesia u do da, U do tsela fhasi, huno fhasi u bva ngei... Kha khura dza Tañulu u do tendelwa a tsa, U do bva pfamoni. U do da kha dzangano líhulu.” Vha kha di elekanya zwenezwo, ni a vhona, zwi tea u da kha dzangano lavho. “U do da kha dzangano ñashu, a tshimbila a ytshi tsa kha dzi phera dza pfamo heneffo. Huno U do bvela kha phera dza nn̄da huno a da kha khulunoni, nahone a gonya nt̄ha Hukhethwakhethwa, huno a ri, ‘Ndi Mesia.’” Mesia ha di nga u ralo. Mesia u da hune A khou ñoda u da hone. Ndi muhulu, U ita u ya nga hune A funa.

A ri, “Zwo luga,” a ri “ida huno u vhone! Ida, u tou ñivhonela.”

²⁰⁴ U songo ima huno wa ri, “A thi tendi kha izwo zwithu zwa muvhumbuluwi-mukhethwa.” Itau da, u wane arali hu na tshiniwe tshithu Ngazwo.

²⁰⁵ Ngauralo a, ndilani heneffo, ndi a kona u vha pfa vha tshi khou amba. Kha ri ralo, ni a tama u pfa zwe vha vha vha tshi khou amba ngazwo? Kha ri thetshelese ri pfe zwe vha amba. Ndi a tenda, vha tshi khou tshimbila badani, ni a ñivha, Filipi a ri, “U ya ñivha, Nathaniele, ndi a zwi ñivha uri u mutshudeni wa Bivhili, ngauralo ndi khou ñoda u u ñhudzisa tshinwe tshithu. Ri khou lavhelesana na Mesia, naa a ri khou ralo?”

²⁰⁶ “Oo, ee, ri khou sendela mañuvhani a u fhedza a uno murafho na hezwi, ndi a tenda uyu murafho u do vhona Mesia.” Zwino thetshelesani. “Oo, fhedzi ri fhano, a ri lushaka, ro balangana vhukati ha vhathu. Ri do ralo hani? Hezwi zwothe!” Mudzimu u da nga awara ni so ngo i elekanyaho. Ndi hone A tshi bvelela.

²⁰⁷ A ri, “Fhedzi, imaninyana, uyu Mesia u do vha muthu-de?”

“Oo, Mushe, mufunzi washu, o ri vhudza uri U do vha muporofita.”

²⁰⁸ “Ndi khou ya u ni vhudza nga hoyu Yesu wa Nazaretha. Ni a elelwa uła munna wa murei wa u nyadzea wa kale we na murengela iła khovhe tshila tshifhinga, we na mu disela, u renga khae, huno a sa koni u saina tshilipi, a si na pfunzo yo edanaho?”

²⁰⁹ “Ee! Oo, oo, ee, uh-huh. Jonas na mutukana wa Jonas. Ee, ndo renga kha Yonasi, na nne-vho.”

²¹⁰ “Zwo luga, zwino, ni a ɖivha uri mini? Petro o bvelela heneffo . . .” Kana Simoni, zwavhudi-vhudı, dzina lawe lo vha li tshe Simoni. O ri, “Simoni o bvelela kha muṭangano Wawe. Huno a sthi tou bvelela, o . . . Ni a elelwa uri Simoni o vha a tshi ri vhudza hani uri khotsi awe vho mu vhudza u ri ‘Uri a so ngio fhuriwa, ngauri hu do vha na vhaporofita vhanzhi vha mazwifhi phanda ha Mesia wá vhukuma.’ Huno izwo ndi ngoho. ‘Milaedza minzhi ya mazwifhi I do bvelela.’ Fhedzi vha ri, ‘U do zwi divha musi Mulaedza wa vhukuma u tshi bvelela, ngauri, eéléwaní, rine Vhayuda ri tenda uri hoyu Mesia u do vha muporofita.’ Ri tenda vhaporofita vhashu.”

²¹¹ Vhudzisani Muyuda zwino. Isiraele, musi vha tshi dzhia Bivhili heneffo zwino, vha tshi bva ngei Iran na zwińwe, vha a I vhala. Vha ri, “Arali uła Yesu o vha a Mesia, kha ri Mu vhone a tshi ita tshiga tsha muporofita, ri do Mu tenda.” Ee, muñe wanga. Vha a zwi ɖivha uri avho vhaporofita ndi vha ngoho.

²¹² Ngauralo Nathaniele a nga vha o ri, “Oo, ndi a tenda uri Mesia u do vha muporofita, ngauri Mushe o ri, ‘Murena Mudzimu washu u do vusa muporofita.’”

²¹³ “Zwo luga, musi a tshi vhone izwo, uyo Simoni ane na khou amba ngae, O ri, ‘Dzina lau ndi Simoni, nahone u murwa wa Yona.’ Ho ngo ɖivha hezwó fhedzi, fhedzi O ɖivha na baba wawe muvhuya wa Mufarisei.”

“Aah! Ndi nga si tende izwo. Wo swika fhasi khazwo.”

²¹⁴ O ri, “Oo, hai, a tho ngo ralo! Ida, u wanuluse. Ida, u vhone! Ida ngeno!” U tsa na ndila, a ya.

²¹⁵ Mafheleloni a dzhena Vhuhoneni he ha vha hu na Yesu, khańwe o ima nn̄da kha vhathetshelesi huńwe fhethu. Yesu o ima heneffo, a tshi lavhelesa u mona. Ho no fhela tshifhinganyana A avhelesa nn̄da, huno A vhone Nathaniele o ima nn̄da afho, A ri, “Vhonani Muisiraele, ane khaye a hu na mulandu!” Izwo zwo bvisa tshika khae. Izwo zwo bvisa muya kha sails. “Vhonani Muisiraele, ane khae a hu na mulandu!”

²¹⁶ “Heyo ndi Mudzimu,” o ralo. “Mufunzi,” zwi amba mudededzi, “Mufunzi, Wo nn̄divha lini? Ndo no ḥangana na Iwe, ndi mu tsinda kha tshino tshivhidzo, a thi athu u da fhano. U nn̄divha hani?”

²¹⁷ A ri, “Musi Filipi a sa athu u vhidza, musi u tshe fhasi ha muri, Ndo u vhona.”

²¹⁸ Uyo o vha a Yesu mulovha. Izwo ndi zwone? Arali A sa shanduki, U kha di vha o ralo ḥamusi. Kha ri dzhie luňwe lushaka lwa vhathu. Ho vha hu na lushaka lwa vhathu . . .

²¹⁹ Ho vha hu tshi tou vha na tshaka tharu dza vhathu, huno idzo ndi Hamu, Semu na vhathu vha Yefete. Ni a vhona? Izwo ndi zwone. Ndi heneffo hune, Pentekoste, he Mafhungo mavhuya a ya kha Vhayuda, a kona u ya kha Vhasamaria, huno zwenezwō kha Vhannda. Ni a vhona, Hamu, Semu, na vhathu vha Yefete, ndi—ndi tshaka tharu. Zwino, hu na tshaka tharu khavho dzi ḥodanaho na Mesia; hu si riñe Vhannda. Ro hwala kiłaba miṭanani yashu, ro vha ri vha sa tendi, ri tshi losha zwifanyiso; fhedzi hu si—hu si Hamu na Semu.

²²⁰ Zwino, hu na muňwe zwino, lwone—lwone luňwe lushaka lwo vha lu Vhasamaria, vhe vha vha vha hafu Muyuda na Vhannda, lwo vhangwa nga mbingano ya tshivhi ya Kora heneffo, huno vha pambuwa. Huno vha tenda kha Mudzimu, vho vha vha tshi khou lavhelesana na Mesia. Ngauralo Yesu a ya, a tshi khou ḥisumbedza Ene muñe phanda havho. O da kha Vhayuda, Vhawe Ene muñe, fhedzi A zwi funa u fhira nga Samaria. Yohane Mukhethwa 4, no no i vhala? Huno A vha na ḥodea ya u fhira nga Samaria. Ngauralo A ya kha ḥorobo ya Šikara, ngauralo A sokou rumela vhafunziwa Vhawe uri vha ye u renga zwiňwe zwiliwa. Huno musi vho ḥuwa . . .

²²¹ Arali no no vhuya na ya afho, hu khagala, tshisima, hu na bommbi ya dorobo, vhunga, hune vha litsha mađi fhasi. Ni a ḥivha, vhasadzi vha a da huno vha fara mukungelo huno vha dzhenisa ravha fhasi, vha ka mađi, vha a hwala ḥohoni yavho. Huno zwino vhasadzi vha dziphombwe, vhasadzi vhavhi, vho vha vha sa di na vhasadzi vhavhuya. Vho vha vha si na vhuledzani nga tshavho nga ayo maduvha. Musadzi muvhi nga maanda, u dzula kha tshigwada tshawe. Hu si namusi; vho ḥangana vhothe, fhedzi vha tou vha vha . . . fhedzi vho ralo, zwi tou nga u dzhia vhukati ha gumba, ni li ita uri li vhe litswuku, ni a vhona. Ngauralo-ha, vha ralo, ngauralo uyu wa . . .

²²² Musadzi wa phombwe o bvelela heneffo, u yela kha hafu u bva kha awara ya vhufuminthihi kana miniti ya fumiňhanu u ya kha iri ya vhufumimbili, nga tshenetshi tshifhinga tsha ḥuvha, a bvelela a tshi khou tshimbila heneffo uri a wane ravha la mađi. Huno a tendela ene . . . a vheya lone . . . Ndi a kona u mu vhona a tshi vheya mukungelo wa kale hafha huno a kungela, a li tsitsela fhasi kha tshisima, uri a wane ravha la mađi. Huno nga tshifhinga tsha musi a tshi thoma u li bvisa, a pfa muňwe muthu a tshi ri, “Musadzi, Nndisele zwa u űwa.” Huno a lavhelesa huno ho vha hu na Muyuda. Zwino, vho vha vha sa shumisani nga tshavho.

²²³ Munna wa miñwaha ya vhukati, O vha a na u yela kha ya furaru. Fhedzi Bivhili yo ri O vha a tshi vhonala a nay a futhanu, izwo ni a zwi ñivha. A ri, “Uri Wo vhona Abrahamu, huno U munna a sa fhirisi miñwaha ya fuñhanu.” O vha a nay a furaru fhedzi. Ni a vhona? A ri . . . Ndi a kholwa vhushumeli Hawe ho Mu kamba nga maanda. Ngauralo a ri, “Uri Wo vhona Abrahamu, zwino ri a zwi ñivha uri U na diabolo.”

²²⁴ A ri, “Musi Abrahamu a sa athu u vha hone, NDI NNE.” Ni a vhona, ndi Ene Mudzimu wa Abahamu. Zwo tou ralo, O vha a ene. O ri, “Musi Abrahamu a sa athu u vha hone, NDI NNE.” Zwo tou ralo.

²²⁵ Huno zwino, O vha o dzula henefho tshisimani, A ri, “Musadzi, Ndisele zwa u ñwa.”

²²⁶ A ri, “A zwo ngo ñpweleya. Ri na khethululo fhano.” Vhunga zwe vha vha tshi ita Tshipembe, vhone makhaladi na vhatshena, ni a vhona. A ri, “Ri na khethululo fhano. A zwo ngo ñdoweleya Iwe u tshi nkhumbele, Iwe (Muyuda) u tshi nkhumbele (musadzi wa Musamaria) uri ndi u itele tshithu, tshiñwe na tshiñwe. A ri na tshumisano nga tshashu.” O vha a musadzi muñuku wa phombwe, ni a ñivha. Ngauralo, khanwe musadzi muñuku. Huno o vha o ima henefho, khanwe mavhudzi awe o pombiわaho o ñembelela na tshifhañuwo tshawe, ni a ñivha, nahone o vha a nn̄da vhusiku hoñhe. Huno—huno zwo ralo a ri, huno a ri, “A zwo ngo ñdoweleya uri Iwe u nkhumbele, musadzi wa Musamaria, zwo raloho.”

²²⁷ A ri, “Musadzi, arali u tshi ñivha A ambaho na iwe, nahone u tshi ñivha ane wa amba Nae, ndi musi u tshi khou Nkhumbela zwa u ñwa.” Uyo ndi Mesia wa mulovha, ni a vhona. “Ndi musi u tshi khou Nkhumbela zwa u ñwa, ndi musi Ndi tshi khou fha madi uri u si ñe fhano u ka.”

²²⁸ “Ngani,” a ri, “tshisima tsho tsa, huno A u na tshithu tsha u ka ngatsho, zwino u ño mpha ngani madi?” A ri, “Khitsi ashu Yakobo!” Ni a vhona, o vha a Musamaria, fhedzi o vhidza Yakobo khotsi awe, nae-vho. “Khotsi ashu, Yakobo o ñwa kha itshi tshisima, kholomo dzawe, muñta wawe. Huno U ri U na madi a fhiraho aya?” A ri, “U ri ‘u losha,’ Iwe u Muyuda, U ri ‘Yerusalem.’ Rine ri ri kha iyi thavha.”

²²⁹ A ri, “Musadzi, tshifhinga tshi a ña, huno ndi zwino, hune musi vhaloshi vha vhukuma vha ño losha Mudzimu kha Muya, ngauri Mudzimu ndi Muya.” Ni a vhona? “Khotsi vha ñoda vho raloho vha tshi ita zwenezwo.”

O vha a tshi khou ita mini? O vha a tshi khou amba nae, uri a kwamane na myua wawe. Ni a vhona? Zwino, elelwani, U tea u vha Mesia, phanda ha avho Vhasamaria. Huno tswititi A wana khakhathi yawe. Ndi vhangana vho no ñivha uri ho vha hu mini? Zewo tou ralo. O vha a tshi khou dzula na munna wawe wa vhurathi.

Ngauralo, ni a vhona, zwo khakheya musi ni na munna a tshilaho, a kha, na—na zwiñwe, huno na a nn̄da. Huno nga tshini na tshini, u ḥala musadzi, na u mu mala, na u ya u mala muñwe, u mala muñwe, u mala muñwe, izwo a ni tei u zwi ita. Ngauralo A ri, o . . .

Zwenezwo a, ndi a kholwa o vha a tshi khou tshila a so ngo maliwa ngavho. A nga vha o vha a so ngo malana navho. A nga vha o vha a sa athu u maliwa. Ngauralo o amba hezwi zwithu zwivhi zwoñthe, ni a ñivha, o ita zwithu zwoñthe zwivhi.

Ngauralo-ha musi O ima henefho, o mu lavhelesa sa *izwo*, A ri, “Tshimbila, u Nngwanele zwa u ñwa.” Huno a ri . . . “Fhedzi arali u tshi ñivha Anew a amba nae, ndi musi u tshi Nkhumbela zwa u nwa. Ndi do u disela mađi ane a u tei u ña . . . Ndi do u neya mađi, ane a u nga ñi hafha u ñwa.” Zwenezwo A ri, “Tshimbila, u dzhie munna wau nahone u ñe fhano.”

A ri, “Muñe wanga, a thi na munna.”

“Oo,” A ri, “wo amba zwone. Wo no vha na vhanna vhañanu, nahone anew a vha nae zwino a si munna wau. Khazwo wo amba zwone.” Ene, thetshelesani, uyo musadzi . . . Zwino musi ene . . .

Vhayuda vho Mu vhidza mini musi vha tshi Mu vhona a tshi ita izwo? Naa vho Mu limuwa uri ndi Mesia? Hai. Vho ri U ene nnyi? “Belesebulu, musweleli muhulu,” vha ri, “ayo maanda o vha a Belesebulu.” Huno vho vhidza Muya wa Mudzimu, we wav ha u tshi khou ita vhuñalukanyi, “tshithu tshi so ngo kunaho.”

A ri, “Ni amba ipfi li lwaho na Nne, Ndi do ni hangwela. Fhedzi liñwe ñuvha Muya Mukhethwa u do ña, u ita zwi fanaho; huno na amba ipfi li lwaho Nawo, a ni nga hangwelwi khazwo.”

²³⁰ Ngauralo ni a vhona hune ra vha hone namusi, arali zwa itea uri zwi vhe ñamusi. “Ipfi ñithihi li lwaho Ñawo, a zwi nga vhuñi zwa hangwelwa, kha ñino shango kana kha shango li ñaho.” Ngauralo ni a vhona zwe uno muragho wa ita. Zwino elekanyani ngazwo. Elekanyani nga maanda. Kalani ano Maipfi a vhudi.

²³¹ Zwino, Vhayuda vho ri, “Hoyu Munna u ita hezwi zwithu nga Belesebulu. U tou vha diabolo, musweleli muhulu.” Ri a ñivha vha vhusweleli ndi diabolo. Ngauralo a ri, “Hoyu munna ndi musweleli.”

²³² Zwo ralo A vha hangwela nge vha Mu vhidza musweleli. Fhedzi nga murahu ha musi O fa nahone Muya Mukhethwa wo vhuña murahu, zwenezwo zwo vha zwo no fhambana. Ni a vhona? Huno izwo, uyo ndi murafho wa Vhannda. Zwino dzhielani nzhele.

Zwino, vhone—vhone Vhayuda vho vha vho no zwi vhona, vha zwi hañula.

²³³ Vhasamaria vho zwi ḥanganedza, huno a ri, “Muñe wanga, ndi ḥalukanya uri U Muporofita.” Ni khou ya u ita mini ngazwo, Musamaria? “Ndi ḥalukanya uri U Muporofita. Ri a ñivha uri

musi Mesia a tshi da, U do ri vhudza hezwi zwithu." Ni a vhona, vho vha vha tshi divha Mesia, uri U do vha Nnyi. A ri, "Ri a divha uri Mesia, ane a vhidzwa Kristo, musi A tshi da U do ri vhudza hezwi zwithu. Fhedzi Iwe u Nnyi? Naa U muporofita Wawe?"

A ri, "Ndi Nne onoyo. Ndi Nne onoyo."

²³⁴ Huno nga hezwi! Zwino thetshelesani. Nga hezwi, a tutshela bodo yawe ya madi huno a gidimela doroboni, huno a da u amba na vhatu va re zwiṭaraṭani, a tshi gidima na ḥorobo, a ri, “Idani, ni vhone Muthu O mmbudzaho zwithu zwe nda ita! Naa uyu a siene Mesia?” Huno Bivhili i ri ḥorobo yoṭhe ya tenda Khae ngauri musadzi o amba izwi, uri O vha vhudza, ngauri O vha a Mesia.

²³⁵ Zwino, arali itsho tsho vha tshi tshiga tsha Mesia mulovha, huno A sa shanduki mulovha, namusi, na lini na lini, tshi do vha tshiga tshi fanaho namusi. Naa ndi zwone? Ndi vhanganan vhanne vha do tendelana kha izwo? Zwo tou ralo, ee, ndi zwithihi. Zwo luga.

²³⁶ Zwino, hu do vha muthu o fhambanaho naa? Hai. O funa, O huwelela, O lila, O edela, O ya sogani, a ya urea, a ita sa muñwe na muñwe. O vha atshi tou vha muthu, ni a vhona, fhedzi O vha a Mesia o doliswaho.

²³⁷ Zwino, zwino elelwani kha Bivhili, ine ya ri vhudza zwa murahu-rahu, hune ra ya kha Mañwalo manzhi nahone ra sumbedza uri Bivhili i amba uri hu do vha na “Duvha line a li nga vhi vhusiku kana masiari,” li tshi tou vha duvha li re vhukati, madzangano na tshivhidzo, na vho edanaho u tshidzwa, “fhedzi nga tshifhinga tsha madekwana hu do vha na Tshedza.” Ndi vhangana vho no vhalaho izwo kha Bivhili? Zwo ralo. Ni a vhona?

²³⁹ Ri kha tsha madekwana, Tshedza tsha madekwana. Duvha li khou kovhela. Mesia u vhukati hashu. Murwa wa Mudzimu, kha tshivhumbeo tsha Muya Mukhethwa, u vhukati hashu. Ni a tenda izwo? [Tshivhidzo tshi ri, "Amen."—Mudz.] Ni a ntenda uri ndi mulanda Wawe? ["Amen."] Ni a tenda uri izwo zwine nda khou ni vhudza ndi Ngoho? ["Amen."] Ni a

tenda tshiṭori tsha ulla Muruṇwa matsheloni a mulovha, ḫuvha la murahu ha matsheloni a mulovha? [“Amen.”] Ni a zwi tenda? [“Amen.”] Zwenezwo tendelani Mudzimu wa Taḍulu, tendelani Mudzimu o bvelelaho kha nne nga tshivhumbeo tsha ulla musengavhadzimu, Mu tendeleni a ambe. Huno litshani muvhili wanga u kumedzelwe Ene, tshirunzi tshanga, mya, na muhumbulo, zwi kumedzelwe vhugala Hawe. Musi ndi tshi khou lavhelesana na tshiila tshisindi tsha u fhedza, nahone ndi tshi zwi ḫivha uri tshi do vha tsha u fhedza, ho vha hu nenehfo ho sala miniti miraru uri i rwe iri ya vhufumi nt̄ha ha tshithoma, nahone ndo amba uri zwi do itea nga iri ya vhufumi nt̄ha ha tshithoma.

Ni a ḫivha, O ri, “Amber zwine wa funa. Zwi do vha nga u ralo.” Ha athu u kundelwa, tshini na tshini. “Itau amba zwine wa funa.”

Fhedzi lwa vhu malo musi zwi tshi itea, zwo itea kha musadzi muṭuku. O dzula murahu afho zwino, ndi a kholwa. Ndi vhona Mukomana Wright o dzula afha. Hattie Wright, musi a tshi humbelela vhawe vhavhili vhan-... Khoyo afho, henehfo zwino. U tshidzwa ha vhana vhawe vhavhili, (zwa so ngo ralo?), o vha a tshi hanedzana nazwo nga maanda. Nda ri, “Ndi u ḫetshedza vhana vhau, nga Dzina ḥa Yesu Kristo.” Vha wela milenzheni yawe.

²⁴⁰ Ed Daulton, Mubaphuthisi o dzulaho afha, u bva fhasi ngei Kentucky, o dzula henehfa. U na vhana vhangana, Ed? Vhana vha fumimbili. O ima henehfa, o humbelela vhana vhawe. Nda bvela nn̄da ha tshifhaṭo. Ed a dovha a da kha nne; nda ri, “Ed.”

Muya Mukhethwa wo vha u kha nne, wa ri, “Mu ḫeye. Mu ḫeye.”

²⁴¹ Nda ri, “Ndi u ḫeya vhana vhau.” Muṇwe na muṇwe wavho, o tshidzwa na u lovhedzwa. Ho vha hu na wa thangana murole o dzulaho hayani, o lindela, a tshi khou lila, o tshidziwa u bva tshe a vha nt̄ha hafha. Hoyu murathu wa Mubaphuthisi u bva fhasi ngei... Oo, oo, U wa vhudi hani musi A tshi amba!

²⁴² Ndi khou Mu humbelo zwino, u itela vhugala Hawe, uri a Disumbedze, uri ndi Ene Kristo, uri ndi khou amba Ngoho.

²⁴³ Zwino, uri—uri a sa tendi a si ponye. Ndi khou ḫoda vhathu vha re ngomu fhano, vha lwalaho na vha na ḫodea, vha na ḫodea ya Mudzimu, vhane a thi vha ḫivhi, vhatsinda miṇangoni yashu, vhathu vhane a thi vha ḫivhi, vha re fhano, nahone ni na ḫodeya ya Mudzimu, imisani zwanda zwanu. Vhathu hoṭhe-hoṭhe. Hezwo, zwo luga, u tou mona hoṭhe, ndi a kholwa. Vhathu vhane a thi vha ḫivhi. Arali nda vhidza muṇwe muthu ane nda mu ḫivha, ane ndi a mu ḫivha nahone ni tshi nn̄divha, huno—huno ri tshi ḫivhana, ni so ngo amba tshithu, ni tou fhumula. Arali a Murwa wa Mudzimu, zwine O ralo, nahone Mulaedza wanga u wona, na uri uyo Muruṇwa...

²⁴⁴ Musi i miniti miraru u ya kha iri ya vhufumi, ndo ri, "O Mudzimu, O bvelelaho kha nne a si kale kha ula musengavhadzimu, ndi miniti miraru. A thi vhone tshisindi. Ndi miniti miraru, U do tea u nnidisela tshithihi." Huno Mudzimu sa Muhaṭuli wanga, ndi zwi amba tshanda tshanga tshi kha Bivhili. Ni so ngo tenda kha u ana, Bivhili izwo a i zwi ambi; a I tendi ri tshi zwi ita. Fhedzi Mudzimu ndi Muhaṭuli wanga, tshisindi tsha gidima tshi tshi tsa kha muri nahone tsha dzula zwa vhudi. Ha a thu u kundelwa; Ha athu u zwi ita. Vhunzhi havho hafha vha hone kha u divha izwo zwithu. Ndi a zwi divha uri O ralo, uyoo Mudzimu muthihi, u fhano.

²⁴⁵ Hu na garaṭa dza thabelo dzo netshedzwaho. A thi dzi ṭodi. Ri do vha tendela vha rabelelwa nga miniti i si gathi, vha do da nga muduba. A thi ṭodi vhathe vha—vha re fhano, kana tshini na tshini.

²⁴⁶ Ndi khou ṭoda vhathe vhathe vha sa nnidivhi. Ndi khou ṭoda ni tshi zwi dzhenisa muhumbuloni wanu, ndi khou ṭoda ni tshi ya u elekanya na u rabela, na u amba, "Mudzimu, uyo munna ha nnidivhi."

²⁴⁷ Huno ḥinwe duvha musadzi muṭuku o pfukuludza kha gogo. O vha a na thaidzo ya malofha. Huno a ri . . .

²⁴⁸ Musi vhothe vha tshi ri, "Khoyu afha! Mu lavheleseni! Khoyo ula Mugalileya," na zwinwe. Avho vhafunzi vhothe na vhañwe vho ima henefho, vha tshi ri, "Mufunzi, ri ṭoda tshiga kha Iwe," na zwinwe zwingaho zwenezwo.

²⁴⁹ Hoyu musadzi muṭuku a ri, "Ndi Mu tenda uri ndi Murwa wa Mudzimu. Huno ndi a tenda uri nda nga tou kwama lwendelo lwa nguvho Yawe, ndi do fhola." Ndi vhangana vha divhaho izwo? O Mu kwama.

²⁵⁰ Hu si uri O vha a tshi kona u pfa; fhedzi O ima nahone a rembuluwa, a ri, "Ndi nnyi o Nkwamaho? Muñwe muthu o Nkwama." Muñwe na muñwe a fhumula. A ri, "Muñwe muthu o Nkwama." A ri, "Ndi nnyi o Nkwamaho?"

²⁵¹ Huno A lavhelesa u mona u swika A tshi wana ula musadzi muṭuku. O vha a sa koni u ḥidzumbamisa. O vha a sa koni u mu wana. A mu wana nahone a ri, "Lutendo lwau lwo u tshidza." A ri, a mu vhudza, thaidzo yaye ya malofha yo tshidzwa yav- . . . yo fheliswa, ngauri o tenda, nahone lutendo lwawe lwo kwama nguvho Yawe. Ni a tenda izwo? Zwo luga.

²⁵² Zwino, ndi Ene Tshifhe Muhulu ḥamus o dzulaho kha tshanda tshaula tsha Mudzimu, a tshi rabelela u dibula hashu? Naa Bivhili i ya amba uri ndi Ene Tshifhe Muhulu ane a kona u kwamiwa nga zwipfi zwa maṭungu ashu? Izwo ndi zwone? Zwo luga, arali ni tshi khou lwala, thomani u rabela, ni ri, "Murena Mudzimu, ndo pfa Mulaedza. A—a thi divhi uyu munna. Ndi—ndi fhano theberenakeleni. A thi dzheni fhano, tshino a si tshivhidzo tshanga tsha hayani. Ndi bva huñwe-vho. Ndi bva

nn̄da ha dorobo, ndi bva huñwe-vho. A thi ɖivhi uyu munna. Fhedzi u zwi ita, u lingedza u zwi ita uri zwi vhe na vhuñanzi uri ndi Iwe, nahone u ri Wo bvelela khae, uri Mulaedza wawe ndi wona, na uri U ita hani izwi zzwithu. Zwino, a thi ɖivhi uyu munna, fhedzi ndi ɖivha Iwe. Ngauralo arali o ɖikumedza kha Iwe, nahone U tshi khou shumisa muvhili wawe u amba Maipfi Au Iwe muñe, mu tendele a ambe na nñe. Ntendele ndi kwame nguvho Yau, Murena.” Huno ni vhone arali A tshi do ralo kana hai! Ni vhone arali A Mudzimu.

²⁵³ Arali A tshi kha di vha Mudzimu, A nga shumisa meme dzanga u amba maipfi a fanaho ane A do ralo, ngauri Ene hana meme fhedzi dzanga na dzañu. Hana mañø fhedzi ashu. Ngauralo U sokou tsela fhasi huno a shuma kha Tshivhidzo Tshawe kha muvhili washu. Ni a tenda izwo? [Tshivhidzo tshi ri, “Amen.”—Mudz.] U shuma, Ene muñe! Hezwo ndi zwe A amba. “Mishumo ine Nda ita, ni do ita i fanaho.” Ndi zwone? [“Amen.”] “Mishumo i fanaho, ni do ita.” Heyo yo vha mishumo ye A ita, u sumbedza uri O vha a Mesia. Zwino, arali A Mesia, zwine U zwone, zwenezwo, musi izwo zwi ngoho, ngauralo U ita mishumo i fanaho zwino, kha Tshivhidzo Tshawe, ye A ita. Hezwo zwi sumbedza uri ndi zwone, hu si na ndavha nga dzidinomineisheni dzañu. Oo, hañeluva!

²⁵⁴ Mukomana Kidd wa kalenyana na Khaladzi Kidd vho dzulaho afha, vhothe, huno vha na miñwaha ya fumalo, vho rera ndi sa athu u bebwu. O vha o edela hafha mañwe matsheloni, a tshi khou fa, nga pfuko, u yela kha miñwaha muvhili yo fhiraho, i tshi khou tumula thanga dza vhunna; n̄tha ngei Ohio. Ngeno a khonani yanga ya vhudi. Khaladzi Kidd a mmbidza, a ri, “Billy, ndi khwiñe u tshi ḥavhanya. U khou fa, u khou fa zwino.” Huno Billy na nñe ri a funa u dugisa uña mođoro wanga we ra u wana wo no shuma, ri tshi gonya n̄tha heneffho.

²⁵⁵ Musi ndi tshi swika heneffho lufherani, musi ndi tshi tou swika, Muya Mukhethwa wa amba, “ARALO MA AMBA MURENA.”

²⁵⁶ Khoyo o ima, ḥadzi kha vhugala ha Mudzimu, zwa akhamadza na dokotela lawe. Zwi tou vha, U tou vha Mudzimu! Ndi nga ita izwo? Hai, muñe wanga! Maipfi anga ha fhir a uthu na muthihi. Fhedzi ayo o vha a ARALO MA AMBA MURENA! Amen.

²⁵⁷ Miñwaha yo fhiraho, fhasi dzithavhani dza Kentucky, Tshivhidzo tshiñuku tsha Mudzimu, kana vhañwe vhavho, vha tshi paka n̄tha na fhasi ha zwikwara, vha tshi kuvhula mavhele nga tshipiða tsha tshiñwe tshithu, na mme vha kale vho Kidd, u itela u kanzwa tshigwada tsha vhana; a tshi ḥanzwa ravha, u itela u rumela munna wawe nn̄da luvhanđeni.

²⁵⁸ Huno khevha fhano kha ya vho fumalo, vho dzula n̄tha hafha ñamusi, vha khou diphina nga Mafhungo mavhuya a Yesu

Kristo, vha tshi reila maela dza dana na zwiñwe nga n̄tha nga matsheloni a Swondaha, ndi rera fhasi hafha Swondaha iñwe na iñwe, arali vha zwi pfa. Zwo tou ralo, ri vha rumela thambo, vha ṭoda u da. Mbilu dzavho dzi fhaṭutshedzeye. Ndi zwone. Ndi khou ṭoda muthu muñwe na muñwe ngomu hafha a tshi khaḍana ano matsheloni, arali vha tshi nga ralo, vha fhaṭutshedze.

Zwino rabelani.

²⁵⁹ Oo, ndo takala nga maanda u ñivha uri U Mudzimu. Zwipfi zwa hani nandi! Ni ri, “U khou imela mini, Mukomana Branham?” Ndo lindela Ene. Ndi... Ndo rera. Ino ndi iñwe ndodzo.

²⁶⁰ Huno arali A tshi ño da nahone a zwi ita, ndi vhangana ngomu afha, vhane vha khou lwala, vhane vha ño Mu ṭanganedza sa Mufhodzi wavho? Itanu imisa zwanda zwanu, vhathe vhathe vha lwalah, arali A tshi ño ralo—arali A tshi ño zwi ita. Imisáni zwanda zwanu, muñwe na muñwe a lwalah, ane a kona u vhona uyo Mesia, Kristo, u vhukati ha vhathe, u khou amba.

²⁶¹ Rabelani. Tendani. Ndi ño kumedza kha *ino* thungo ya mn̄du. Ndi na vhanzhi vhane vha khou rabela. Ndi vhona ndodzo.

²⁶² Lavhelesani. Ndi vhangana vho pfaho izwo, iyo Khavhu ya Mulilo afho, ine saints yo i ñembeledza ngei Washington, DC? Ni a zwi ñivha. Tshifanyiso Tshazwo khetshi, henefha, Khavhu ya Mulilo nthihi ye ya ranga Mushe phanda. Musi na saints i tshi ri, “Liñwe ñuvha i ño vheiwa kha vhukhudo ha senthe dza fumi. Muthu a re n̄tha ha mupo o bva kha tshifanyiso.”

²⁶³ Uyo Muruñwa muthihi u fhano kha phuluphithi zwino. Zwi ṭoden. Ndi ni linga uri ni zwi tende. Vho inwi vhannda, ni a tenda.

²⁶⁴ Zwino ndi khou tou tea u lavhelesa uri ndi vhone hune Yaya. Ivhani na vhudziki, nothe, Vhuhoneni Hawe, uho u Mangala.

²⁶⁵ Ndi vhona munna. Khezwi afha. O dzula kha tshamonde tshanga, murahu *hafha* khuḍani. U khou tambula nga thaidzo ya ninga na thaidzo ya thumbu. U ya tenda nga mbilu yau yothe. Ivhani mutsinda kha nn̄e. Avho ndi Vho. Wells. Ndi lenelo dzina lau, Vho. Wells. A u bvi fhano. U bva fhethu hu vhidzwaho uri Aurora, Illinois. Heyo ndi ngoho. Naa ndi ngoho? Ndi mutsinda kha iwe. Arali izwo zwi zwone, imisa zwanda zwau. Ima nga milenzhe yau. Yesu Kristo o u fhodza.

U ya tenda zwino? “Arali wa nga tou tenda.”

²⁶⁶ Zwino, heneffo, uyu muñhannga, a thi athu u mu vhona vhutshiloni hanga, nahone mutsinda o fhelelaho vhukati hashu. U bva kha liñwe shango. Huno Muya Mukhethwa, zwino, tshini na tshini tshine Wa amba nae, a thi nga zwi ñivhi u swika ndi tshi wana theiphi. Ndi ndodzo ine ya da khae. Fhedzi munna uyo u ya ñivha.

²⁶⁷ Zwe a ni vhudza ndi ngoho. Naa izwo ndi zwone, muñe wanga? Ee. Ri vhatsinda. Hu na, mu tendeleni a vhe ṭhanzi ya ene muñe.

Ndi nnyi o itaho izwo? Mesia, Kristo.

²⁶⁸ Afha ndi mufumakadzi o dzulaho murahu hafha, vhukati ha vhathu, *henefha*. Ni a vhona tshila Tshedza ntha hawe? U khou tambula nga thaidzo ya lukanda. Vhomme. Pitman, u bva Owensboro. Arali u mu tsinda, fhefhedisani tshanda tshanu. Naa izwo zwithu ndi ngoho? Fhefhedisani tshanda tshanu. Mudzimu o ni fhodza. A thi athu u vhona uyo musadzi, na luthihi, kha bono fhedzi.

²⁶⁹ Uri ni ɖivhe, henefho n̄ha hañu ndi musadzi o vhidzwaho Ellis, Vhomme. Ellis, musadzi muñuku. U na thaidzo ya tshisadzini. Na ene ndi mutsinda. Arali izwo zwi zwone, fhefhedisani tshanda tshanu. Naa uyo ndi mme añu vho dzulaho tsini na inwi afho? Ndi mufumakadzi o dzulaho henefho, u khou tambula nga nyofho, nyofho nnzhi khae. Arali izwo zwi zwone, imisani tshanda tshanu, mufumakadzi. Zwo luga. Nyofho dzo fhela. Ni nga ya hayani, no fhola. Ndi ni linga uri ni tende.

²⁷⁰ Murahu-rahu, khudani, murahu, munna a bva ho ngei Minnesota, u na thaidzo ya muñana. Dzina ɣau ndi Vho. Carson. Ima nga milenzhe yau. Thaidzo yau ya muñana yo fhela. Yesu Kristo o u fhodza.

²⁷¹ Murahu hawe *henefha*, mufumakadzi u khou tambula. U bva nñda ha ñorobo. U bva fhethu hune ha pfi Blue Island. U na thaidzo ya mbilu. Hafho ndi tsini na Chicago. Vhomme. Braiden, imani, ṭanganedzani phodzo yanu. Tshimbila hayani nahone ni fhole, nga Dzina la Yesu Kristo.

²⁷² Ni khou tenda? [Tshivhidzo tshi ri, “Amen.”—Mudz.] Mini-ha kha ɻino sia? Ni a ɖivha uri uyo ndi Mesia? Muthu u ɖivha hani?

²⁷³ Havha vhathu vho ñthe vho vhidzwaho, u swika zwino, nahone vha zwi ɖivha uri a thi ɖivhi tshithu nga inwi, imisani zwanda zwañu, vhopinwi vhathu noñthe no vhidzwaho, u mona. Vhonani henefho?

²⁷⁴ Hu na muthu murahu hanga, u khou rabela, murahu, lufherani. Ndi muñhannga muñuku, wa ṭohoh i penyaho, u khou rabelela muzwala wawe nñda ngei Kansas, u na pfuko. Ida ngeno phanda muñangoni. Ivha na lutendo kha Mudzimu. Ni a tenda?

²⁷⁵ Elmer, iyo yo vha i inwe thumanyo na iwe. Ndi vhona khotsi au vho dzula afho, mufumakadzi wawe. Mutsiko wa malofha. Arali na nga tenda, Mudzimu u ño ni fhodza. A thi ɖivhi. Ndi zwone. A zwo ngo ralo? Ni a tenda nga mbilu yanu yoñthe.

²⁷⁶ Ni a tenda? Ni a tenda uri Yesu Kristo ndi Mesia? [Tshivhidzo tshi ri, “Amen.”—Mudz.] Ni a tenda uri Vhuhone Hawe vhu fhano? [“Amen.”] Elelwani, musi musadzi muthihi a tshi kwama

nguvho ya Yesu, A mbo dileđa. Maanda, nungo, dza bva Khae. Ndi tsini na u ḥuwa zwino. Naa ni a tenda? [“Amen.”]

Zwenezwo kha ri kotamise thoho dzashu lwa tshikhalyanya.

²⁷⁷ O Yesu, Mesia wa Mudzimu, Iwe u tsini. Vhathu vha a zwi limuwa uri Iwe u Murwa wa Mudzimu, uri U fhano zwino. Zwiga Zwau zwihiulu na vhučolo zwi khou sumbedzwa. Vha fhaṭutshedze, Khotsi. Vha fhaṭutshedze, ndi a rabela. Ngavhe zwino vha tshi tenda, nga mbilu dzavho dzothe, uri Iwe, Mesia, ndi Iwe wo imaho hafha. A hu na ane a nga ita izwo. Izwo a zwi konadzei nga muthu, Murena. Mađembe, u vhona maanda a Mesia a tshi da hučuku, fhetu ho nyadzeyaho sa hafha, ngauri Wo zwi fulufhedzisa, Murena. Ngauri, tshilidzi Tshau tshi fhano uri nea tshilidzi. Ngauri ndi pfulufhedziso Yau u zwi ita, Wo zwi ita. Ri vhano uri a U ḥutsheli vhathu Vhau.

²⁷⁸ Zwino, Mudzimu Khotsi, ngavhe avho vha na garača dza thabelo, vha daho kha muduba wa thabelo, ngavhe vha tshi vha na lutendo lwa u tenda. O Mudzimu ramaanda, musi vho vhejwa zwanda, ngavhe vha tshi ḥuwa fhano, vha tshi pembela, vha tshi huwelela, vha tshi renda Mudzimu, uri vho fhodzwa. Zwi tendele, Murena.

²⁷⁹ Huno litsha havha vho tshidzwaho, vha zwi ḥivhe uri a hu na tshiphiri kha Mudzimu. Mudzimu u dzumbulula zwiphiri zwa mbilu; U ḥivha ngelekanyo iñwe na iñwe ine ya vha kha mihibulo yashu. Zwi tendele, Khotsi. Ri humbela nga Dzina la Yesu Kristo. Amen.

²⁸⁰ Zwino, vhoinwi vha na garača dza thabelo, nnda kha vhathetshelesi, vhoinwi vhathu u mona na theberenakele, u mona na *hafha*, vha na garača dza thabelo, naa ni a tenda? Imisani zwanda zwaču. Huno ni tende uri muthu ha koni u ita izwo. Hezwo zwi tea u bva kha Mudzimu. Ni a tenda uri ndi pfulufhedziso ya Mudzimu, uri Mudzimu o zwi amba uri U do zwi ita? [Tshividzo tshi ri, “Amen.”—Mudz.] Zwo luga. Zwenezwo ni a ḥivha uri Muňwe muthu u fhano nga nnda ha muthu.

²⁸¹ Ndi dzhia ili Ipfi zwavhuđi, phanda ha Mudzimu. Vhathu vho ambiwaho navho, a nga vha nnyi kana nnyi, a thi vha ḥivhi, nahone a vha nndivhi. Vha tou vha vhatsinda vho sokou daho kha ino theberenakele hafha, u bva heneffo he vha vha hone.

²⁸² Ndo vhona maňwe mabono kha vhathu hafha vhane vha vha ngomu theberenakeleni, fhedzi vha litsheni, ee, itanu vha litsha.

²⁸³ Havho vho vhidzwaho, ni nga vha nnyi kana nnyi, uri vhaňwe vha vhone uri ni vhatsinda, imisani tshanda tshaču. Ni a vhona? Muňwe na muňwe, zwočhe zwi so ngo ḥoweleyaho.

²⁸⁴ Tshinwe tshithu tshi khou isa phanda na u ntshimbidza. Ndi vhona mufumakadzi wa mukhaladi u bvelela phanda hanga,

tshifhinga tshothe, u na vhulwadze ha marambo na mutsiko wa malofha. Ee. Ni mutsinda vhukati hashu. Ni bva ngei Memphis, Vhomme. Sals. Ilo ndi dzina lanu. Ndi lwa u thoma ni fhano. Ni a tenda kha Murena, nga mbilu yanu yothe? Zwenezwo ni nga ya hayani na tshidzwa, na fhodzwa. Mudzimu o mu dzhiela zwone.

²⁸⁵ Tendani nga mbilu yanu yothe, nothe. Imisani zwanda zwanu zwino, nothe. Tendani nga mbilu yanu yothe. Vheyananai zwanda.

Ida ngeno, Mukomana Neville. Ida ngeno, u netshedze thabelo.

²⁸⁶ Musi ro kotamisa thoho dzashu, Mukomana Neville u khou ya u rabela.



MULAEDZA WA TSHILIDZI TSV61-0827
(The Message Of Grace)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga matsheloni a Swondaha, Thangule 27, 1961, Thabereneakejeni ya Branham kha la Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi thalutshedzo ya Tshivenda yo gandiswa huno ya phadhaladzwa nga vha Voice Of God Recordings.

TSHIVENDA

©2019 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org